



明詩紀事

貴陽陳香田輯

天懷堂  
乃民堂  
香田亭

吳惟英 二首

惟英字國華蒙古人先世把都帖木兒嚮化來歸賜

姓名吳允誠以功封恭順伯允誠子克忠進爵侯數

傳至惟英襲恭順侯爵總督京營戎政有墨響齋集

靜志居詩話國華累葉珥貂風流獨擅崇禎中與羣

都尉承固並留心圖史與諸朝士極文酒蕪游之樂

家有墨響齋摹拓金石文字裝池插架不減歐薛洪

趙之富孫舍人救宋其詩入燕都游覽志甚多其後

都中大疫國華死為冥官時降於室龔尙書孝升曹

侍郎潔躬每述其遺事以為可載鬼董狐

田按萬厯中武將能詩者蕭如薰杜文煥鄧子龍戚

繼光輩皆身歷戎行若臨淮侯李言恭則勳臣後裔

辛籤卷二十六

集宜園

客約鄒枚侶名園許共攀早花須著眼春酒更開顏鳥語藏

深樹雲痕斷遠山分題期刻燭有句倩誰刪

遊李武清新園泛舟

海淀微嫌道路長背城特地又新莊登舟我欲偕元禮選石

君宜學贊皇環榭依臺渾是水繞花沿柳半為廊莫愁酒盡

雙瓶倒村店青帘帶夕陽

張怡 十首

怡一作遺初名鹿徵字瑤星上元人都督可大子以

諸生蔭錦衣衛鎮撫厯正千戶甲申後隱居攝山白  
號白雲道者有古鏡菴詩內外集玉光劍氣集

方苞望溪集甲申流賊陷京師怡遇賊將不屈械繫  
將肆掠其黨或義而逸之歸故里身寄攝山僧舍不  
入城市鄉人稱白雲先生當是時三楚吳越耆舊多  
立名義以文術相高惟吳中徐昭法宣城沈眉生躬  
耕窮鄉雖賢士大夫不得見其面然尚有楮墨流傳  
人問先生則躬樵汲口不言詩書學士詞人無所求  
取四方冠蓋往來日至茲山而不知山中有人也  
先君子與余處士公佩歲時問起居入其室架上書  
數十百卷皆所著經說及論述史事請貳之弗許曰  
吾以盡吾年耳已市二簾下館則并藏焉卒年八十  
有八或曰書已入曠或曰經說有貳尙存諸郡太守  
命學官詔修三禮求遺書其從孫某以書詣都太守  
終不得一寓目焉并著於篇俾後有感發守藏而傳  
布之母使遂沈沒也  
靜志居詩話山人生時園中鹿亦產子因名鹿微而  
以瑤星爲字崇禎間曾仕錦衣故其六十初度詩云  
當年執戟侍明光親見彤雲捧玉皇也山居鈔書頌

辛籤卷二十六

二

多著述甚富予所見者僅玉光劍氣集謾聞正續筆  
數種而已曩造其山居見案頭有手鈔宋季張炎叔  
夏詩集一卷今其遺書不可復問詩亦流傳寡矣

金陵諸園詩 并序

南中人家好爲園林雖短檐茅屋室不數弓而纔有  
隙地便種花竹當昔太平盛時六部曹郎於公署外  
各構一園皆在長安門東一帶廣狹或殊咸極整麗  
其他如中常侍之外宅僧舍之別圃諸縉紳之會館  
非園而園多可遊者今皆鞠爲茂草矣其在西南者  
亦與蒼海俱變言之傷心不堪著足因憶少時所曾  
遊者畧述梗概以誌憑弔不能盡記也

半山園

在朝陽門北有堂三楹流水一灣發源鍾山而  
繞堂下前互小山喬木數十株二三百年物也

凡園中邱壑多以人力爲之而此獨真山真水最爲勝地

疏籬曲徑隱林泉邱壑從知出自然想見當年王介甫騎驢裹餅到門前

小東園

先大父榮祿同野公燕居也從世雅堂石折而南亭軒三楹荆川題曰白鶴山居左曰裁雲閣先世藏書之所叔父紫淀老人寢處其下堂後曲室爲岱與仲父丹室從堂右牡丹臺旁登於上中踞一亭亦曠亦奧則季父四劄牡丹老人讀書於內紫淀老人盡棄所有作攜書避亂圖而出仲父丹室中懸小像來居者以爲仙翁而頂禮焉今盡荒地矣

世雅堂邊舊隱居竹房丹竈富藏書自從避亂流離後白鶴

橫空我不如

韓園

外父襄宇韓公家園在翦子巷壘石爲山中一峯高二丈餘宋諸名公題跋甚多漫滅不可辨公從徐氏東園購之洵異物也此園後歸黃岡石公象雲每過不勝西州之痛

辛籤卷二十六

三

如公好石真成癖纔得爲園境已遷何似中山厓壑好春光

秋草自年年

裴園

家幼仁六兄裴園在鷺峯寺前洛錦塘側荒疏有致兄善畫能詩尤留意花木歲釀好酒數十年開遍種種罌粟虞美人阿藍諸葛菜之屬每花十晨起取蘆荻數十管每管剪插時卉數十莖令童子持至花市上賣花市魚肉而歸客至則開家釀園蔬治所市物以供杯酌亦閒居之樂事文人之佳話也後易主避客言念昔遊何啻太古

從來勝地須賢主太息纖兒無上賓深鎖朱門堅拒客閒庭

辜負十分春

栢園

在大功坊東巷內初沈生子得之魏國家數易主而歸周櫟園堂三楹敞而受風寬而宜月老栢兩株亭亭直上園之得名以此中多石亦最奇而皆具玲瓏透露之致池水一泓朱鱗數百水閣三間可以忘暑

奇石欲下米顛拜虛館曾披宋玉風焉得從君分半榻翦蒲  
種藥作園翁

齊宗侯園 齊宗侯卓吾園在南郭西天寺旁樓閣宏敞花竹蕭疏曾歸吾友姚寒玉去子松風閣一里而近每與同人銜杯拈韻嘯傲其中

赤石磯旁榴乍吐德恩寺後杏初肥王孫公子東西去惟有

高城戀夕暉

雲乳山房 予性愛園居昔人所云志在兩株樹十莖草後卜居寒山園在南郭密灣內與杏花村旁蕭公廟也

高相野 畏婦人聲雞犬聲婢僕訥諄市人喧鬧聲乃於橋之極東迴光寺前得倪園而晨夕焉自滄桑後流離顛沛不得復購園居就雨花山閣為先莊節掃地焚香冀畢餘生而乙亥之夏閣前松竹盡遭斫伐觸目愴懷不堪聞見乃葺攝山之雲乳山房而投老焉此金陵第一大花園也僧徒居其中而日用不知游人洗

其境而神情不屬乃以獨享為愧耳 **辛籤卷二十六** **四**

園居興盡卜山居東澗中峯盡不如慚愧後君開闢後容子

高卧理殘書

海石園 海口內具四面相玲瓏透漏作雲旋文海氣所蒸五色相宣文彩爛然先莊節治兵海上見而賞之

題深以為憾先莊節笑曰物各有緣石丈人得時則

駕豈憚一行耶呼健兒舉之石果移似有神助顧自

山巔下視海面可萬丈而贏懸崖絕壁勢不能下材

官應募而出適高麗貢馬船至乃取木於山取纜於

船縛木為梯以纜繫石千入邪許層累漸下穩載入

舟先莊節喜甚舉酒酌曰子與君同風緣互數千

年堅卧不改今乃忻然就道耶載歸置清嘯堂前未

及豎立值先莊節公殉國事家餘四壁遂馨此園為

伏闕費園中幽房曲室最為雅靚小池迴廊不廢遊

覽子讀書其中者五年後歸陳中丞幼白而此石竟

沉埋土中不復能位置矣

海上相逢石丈人移來南郭伴松筠祇今院宇淒涼甚誰向

仙山再問津

寒山園

子內兄韓敬修手開也前臨濠水後枕平岡入門水閣三楹流水周而清竹萬竿濃陰布護子寢處其中者七年小樓如鳥窠據高阜上眺望極遠顏曰綠尖繫舟牆外每春水方生秋月正望臨風小泛覺立真去人不遠

門前流水枕寒山日日身居山水間況有扁舟堪載月塞洪

橋畔赤磯灣

倪園

笑峯大師所構也時笑峯尚為小司農在燕邸予以二百錢得之門前老屋數間右有亭三楹虛敞而邃修竹蔽天左高閣一區前望雨花後眺淮水左環千堞右繞萬竹爽目快心無過於此仍歸倪氏

野水瀾漫古寺旁四圍老樹間修篁高樓縱目渾無碍遙對

城南石子岡

辛籤卷二十六

劉文昭

文昭字雪舫宛平人新樂忠恪侯文炳弟有攬穗堂

偶存

魏禧叔子集余客秦郵劉君雪舫訪余余報謁君出其一門殉難紀畧及鞏都尉城破自刎事示余受而讀之拊膺泣下幾不能終篇方甲申三月之變君年才十有五歲又生長貴戚宜縱心聲色自驕居不學問乃其所紀殉難本末於都城所以陷敗雖倉皇與母若兄捐軀殉國之大節都城所以陷敗雖倉皇急遽中一言一事莫不條理委悉使讀者如目見耳聞而悲憤感激勃然作其忠義之氣君好學工書其

阮學葵茶餘客話劉雪舫新樂侯文炳弟侯闔門殉難雪舫年十五逃回海州故里變姓名至淮居珠湖吳蒿三珊物色之贈詩云玉孫徒寂寞芳草自萋萋故苑游麋鹿滄江厭鼓鞶人情隨世變風氣逐年低念子凝神久微陽可共攜

清河夜泊

孤舟離緒又清明一挂蒲帆千里程去住向誰商出處飄零  
到我負平生雲連海氣天無色風鼓河流夜有聲襍被春寒  
眠不穩悽然雙淚落三更

祁班孫 四首

班孫字奕喜紹興山陰人都御史彪佳子祝髮爲僧

有紫芝軒稿二卷

鮪崎亭集祁公子者忠敏第二子也初忠敏夫人商氏嘗夢老衲入室生公子美姿容白如瓠而雙足重跣頗惡劣日堪行數百里忠敏死未二旬東西兵起祁氏羣從之長日鴻孫者故嘗與忠敏同講學於越山至是將兵江上思以申忠敏之志而公子兄弟罄家餉之祁氏自夷度先生以來藏書甲於大江以南其諸子尤豪喜結客講求食經四方簪履望以爲膏粱之極選不脛而集及公子兄弟自以故國之喬木而屠沽市販流亦兼收並蓄家居山陰之梅墅其園亭在嵩山柳車墮至登其堂復壁大隧莫能詰也燕

辛籤卷二十六

六

谿魏布衣耕者狂走四方思得一當以爲亳社之桑榆公子兄弟則與之誓天稱莫逆魏耕之談兵也有奇癖非酒不甘非妓不飲禮法之士莫許也公子兄弟獨以忠義故曲奉之時其至則盛陳越酒呼若耶谿姓以薦之又發淡生堂王遁劍術之書以示之又徧約同里諸遺民如朱士稚張宗觀輩以疏附之王寅或告變於浙之幕府刊章四道捕魏耕有首者曰若上乃其婦家而山陰之梅墅乃其死友所嘯聚大帥亟發兵果得之縛公子兄弟去旣讞兄弟爭承祁氏之容謀曰二人并命不更慘歟乃納賄而有其死理孫公子遣戍遼左其後理孫竟以痛弟鬱鬱而死而祁氏爲之衰破然君子則理是固忠敏之節也祝髮於吳之堯峯尋主毗陵馬鞍山寺所稱呪林明大師者也

田按奕喜早矜豪侈晚遁瞿曇未忘旣死之灰復誓

揮戈之勇君子哀其志焉其詩哀豔動人惜不盡合

有懷

春晚愁珠閣妝成卻翠屏振珂風寂寂捲幔瑟瑟冷玉塞憑

高望金鴻入夜聽迴環依碧月飄墜感流星庭北花全落城  
南柳半冥王孫衣欲換過客馬初停句驪河邊渡遼陽郭外  
經孰憐三月路草色未知青

同楊生聽琵琶女侑酒帳中女故客維揚與楊頗舊

屠蘇帳中留醉客紅爐炙火霜初白好聽絃上奏琵琶莫向  
風前吹麝栗琵琶欲轉夜鴻驚絃撥涼州指再停絃愁青海  
今宵月指憶紅樓舊日情紅樓承寵人爭羨千金每買華堂  
宴五夜明珠照不歸七香寶輦邀曾見會惜春城春晝長  
鶯飛燕斷人腸葡萄北苑初裁錦翡翠南洲就點妝妝罷還  
曾催上馬經過更出章臺下帳底流蘇笑暗窺枕上珊瑚欣  
獨把自信容光不讓人可憐意氣劇相親天桃猶煖城邊日

辛籤卷二十六

七

青冢空回家上春春日秋風當此夕羞將玉面逢人出千古  
繁華妾已忘一時歌吹君能憶曲罷星疏虜酒寒明朝馬上  
引人看已令胡女無顏色何須更奪燕支山

送王雙白侯記原渡西陵作

江亭樽酒暫淹留惆悵行旌促遠遊三月飛花懷故里一帆  
寒雨送歸舟青山過處同爲客尺素來時獨倚樓最是月明  
無近遠徘徊搔首望南州

少年行

素袍逢月白寶劍入秋寒近聞灌夫死不敢上長安

劉孔和九首

孔和字節之長山人大學士鴻訓子有日損堂詩集

池北偶談劉孔和王遵坦二人皆負氣跡地相交善  
王居桑谷劉居長白皆有林泉之美崇禎間見天下  
將亂散財結客甲申歲孔和殺闖賊爲令率精騎萬  
人南赴金陵至淮陰以兵屬劉澤清清與孔和素交  
好時爲藩鎮貴重無比然好爲詩一日大會將吏廣  
坐朗吟賁佐交口譽之孔和仰視獨無語強問之曰  
公誠名將才然此事定復不急澤清怒罷酒賓客皆  
惶懼失次孔和傲然而出澤清益怒遣人追及舟中  
拉殺之已而金陵爲副總兵官則孔和死數日矣  
嘗有贈王詩云都無殺者黃江夏豈有食之嚴鄭公  
後竟死澤清手與黃祖事絕類云  
漁洋詩話劉孔和爲詩豪邁雄放有東坡放翁之風  
一代奇才也  
靜志居詩話節之詩好排硬語大約以孟郊邵謁爲  
宗  
田按節之人奇詩奇死於悍將之手傳其遺事千載  
猶有生氣

雜諷三首

少陵詩竭情石軍書趁媚譬如今雅琴乃是古鄭衛軒燧久

辛籤卷二十六

八

不作紛紛弄文筆此語固頗高何以處衰季多巧傷元化爲  
古愈堪畏強擬皇娥篇勦取响嶼字不如求真至辛澹皆可  
味

世談神仙事往往慚未安捫日求盤燭疑信良皆難此道貴  
艱苦挽舟上急湍火以藏深遲冰以埋陰存但恨庸妄輩匍  
匍求崑崙何物覆奇籍累累日以繁吾儒匪相賤所以尊乾  
坤乾坤箇元化豈開大盜門

松柏堅而壽巖石靜而完熊經能自引龜息無所餐方之彼  
仙人當作如是觀松伐石且斲熊烹龜亦鑽千秋消盪盡神  
氣何棲蟠淮南叛諸侯趙高賊宦官神仙固有此何足容褒  
彈因之謝來學甚勿食馬肝

送長兄之金陵

豈復雲山意，干戈滿吳會。況子強卧時，空憶天涯外。一別籬菊前，露下浩不收。秋冬難爲懷，何以行扁舟。汴路旣零落，白門復蕭索。欲賦哀江南，遙遙不可得。故宮蔓寒蕪，豆紆想崩壞。惟有孝陵樹，重涕堪再拜。江氣日夜發，曠暝阻春煙。念之何時歸，歲暮當來還。

題凌五雲畫冊

霜翎盡葉關，幽細十幅秋。光意亦遐峰，抱花鬚驚鳥。見藤牽石骨，得苔遮一枝。不奈成淒斷，數點無因想。淡嘉折作屏風，剛數曲自支寒枕看橫斜。

金谷長兄齋中蜀海棠一木姿態甚殊便使同作

辛籤卷二十六

九

金谷園中謬作家，碧雞坊裏厭繁華。魂銷深院霏微雨，光散晴窗旖旎霞。輕翠數描依榦葉，新紅百浣裏枝花。遙知澹思經營際，已許籠詩著絳紗。

過訪幼量書圃二首

堦前修竹綠成林，侍子清朝拊素琴。聽盡明光三十段，碧池涼雨一時深。

石紋苔色上窗紗，綠茗初煎更筍芽。遲日園林花氣合，十分鶯噀在人家。

題趙吳興調琴啜茗圖

秋宮肅肅古衣裳，靜女無愁黛亦蒼。不點疏螢和月色，綃頭已作百年涼。

茅元儀二首

元儀字止生歸安人崇禎初以薦授翰林待詔尋參孫承宗軍改授副總兵官守覺華島兵譁論戍有賞

心集八卷淪水集六卷西崦集三卷江春集二十卷

橫塘集十卷又峴集五卷在禁詩一卷山草二卷

茅元儀暇老齋筆記石室老人以書法畫竹山谷老人以畫竹法作書然不闢破三昧或曰畫竹如篆枝如草葉如真節如隸余以為枝如草其意向在影響間節如隸不如葉如隸也我嘗有詩曰八分為葉篆為枝然恐得其形似而未得其用筆又曰葉如蟹足折斂枝象之一語古人曾云其三者則余直揭破秘密藏矣

列朝詩集止生好譚兵通知古今用兵方略及九邊阨塞要害口陳手書歷歷如指掌東事急慕古人毀家紓難慨然欲以有為高陽公督師以書生辟幕僚食從人皆無人色止生自如也高陽謝事止生亦罷

辛籤卷二十六

歸先帝即位經進武備志命待詔翰林又以人言罷已已之役高陽再出視師半夜一紙催出東便門僅隨二十四騎止生腰刀匹馬以從四城既復陳授副總兵治舟師略東江旋以兵譁下獄遣戍漳浦東事益急再請募死士勤王權臣惡之勒還不許蚤夜呼憤縱酒而卒止生為詩文才氣蘊涌搥筆數千言倚待立就而其大志之所存則在乎籌進取論匡復書地聚米決策制勝集中連篇累憤洒江傾海皆是物也

紅心道中

十載驅馳地戎衣眾駭看郵人識舊僕塞馬怯新湍山遠迎雲易原平落日難何時酬聖主殘卷石牀攤

潞河與受之侍郎別次見贈韻

崩岸驚濤不可聞新湍陡處手初分共聽夜雨還傷我獨趁秋風卻羨君東閣祇贏鈔秘本北山重補未耕雲明朝淚落

蘆溝上也解隨流逐衛濱

常延齡 一首

延齡字喬若應天人開平王遇春裔孫龔爵懷遠侯

國變後為僧號蒼谷居湖熟村種菜以老

帝里明代人文略喬若龔封懷遠侯在京奉朝請遇事敢言疏凡十二上洞切時弊上鑑其忠深眷注之嘗清巨璫王民籍產命給之蓋異數也時科臣姜珠熊應霖劾首輔上怒御門命旗衛縛二臣詔獄拷訊喬若疏請開釋而以文彥博救唐介為輔臣勸朝論題之宏光初姦相馬士英引致元逆阮大鈞喬若露章糾劾未幾挂冠去為僧號蒼谷灌園自給其沒無以歛友人自生胡生釀金葬之

楊州

辛籤卷二十六

十一

傷心幕府夕陽開往事江南不盡哀飲羽共憐黃闔子空拳  
猶奮乙邦才誰知闔禍流無盡已去天心挽不來宰相尙留  
乾淨土北風吹裂舊旗臺

胡長庚 一首

長庚字星卿應天人駙馬東川侯胡觀裔孫

金陵詩徵星卿以爵讓弟居馴象門外守南康公主園寢賣藥以終

田按錢飲光胡星卿茅屋歌云白鷺洲接大江濱牧馬兒來動成羣先生避世何處去合家住近公主墳

茅屋三間倚填脚門戶欹斜草繩縛籬外時聞樵婦喧樹下每有漁船泊先生田無一石租糊口祇賴青囊書春深婦子競鉏菜水生田無一石租糊口祇賴青

胡處士星卿詩云榮榮畦中蔬嫋嫋門前柳哇以木槿藩門用桑樹紐中有避世人言是東陵後多年不入城一卷常在手可想見星卿清節也

揚州

一片陰寒晝不開  
笳聲淒絕角聲哀  
文山自正千秋氣  
諸葛空思十倍才  
颯颯朔風吹淚落  
沈沈西日送愁來  
大招欲賦天難問  
瓦礫拋殘上將臺

陳震一首

震字東卿益陽人崇禎中武舉人

山居暮春

雨後藤蕪綠漸生  
羅衣初試覺身輕  
夜來春色撩人思  
開盡梨花月正明

余恻六首

恻字生號鈍厂青神人崇禎時以蔭官錦衣千戶

辛籤卷二十六

七

有增益軒集

鮪琦亭集鄴之西湖以賀秘監嘗游息於此故有小  
鑑湖之目借鑑樓者故錦衣青神余君生之寓寮  
衣其自蜀而徙燕非一世矣生之以明書恩世襲錦  
科進取故錦衣之官雖上而未任已而國亡謀結勤  
衛子弟兵以殺流賊不克逃至江南參入軍事又不  
濟始來鄴其時鄴之世家子弟喪職者多乃相與悲  
歌叱咤更唱迭和無虛日就居湖上有七子詩社而  
生坐最長社中奉為祭酒嘗曰吾敢謂此間樂不觀  
蜀耶爰署其居曰借鑑樓諸公在湖上陸披雲有思  
日堂宗正菴有南軒陸雪樵有歲寒館生之樓皆  
與相望詩箋往復朝夕旁午蓋居樓中者二十年  
蜀詩崇禎未張獻忠據蜀鈍厂避亂江東賣古文詩  
字自給不喜入權貴人門權貴人即求其片言隻字  
亦不可得平生一冠破不復補人號三項折角中鈍  
厂與趙民服周蓼恤也康熙時過江卒於瓊花觀時  
年七十九

獨酌

友人惠我酒竟日延清歡閉戶無人來好鳥伴我閒初旭升  
竹林小窗明可觀興來聊復酌藉影相盤桓幽寂性所好瓶  
中香未殘卽此無拘束境靜神亦安

卜居

臥隱仍無定途窮數卜莊有家何日到老病滯瀟湘道遠音  
書少秋深客夢長桃源今有路恣意樂他鄉

元日遊石鐘山卽事

上日淹留客登臨興幾長無人覺來往半晌對湖光煙際雲  
相接匡廬屬渺茫浦中帆片片望裏應春陽

過吳門客舍爲梅花作主人酒間得三絕句東注一  
市上何人識故侯青鞋卓帽稱心遊相逢白頭留詩別細雨

辛籤卷二十六

七

孤帆下虎邱

過歸見說爲梅花鄧尉風光滿眼誇我夢相逐便東去一天  
花壓帽檐斜

花時歸客怕花殘烽火漫漫道路難斷送東風多少恨憑誰  
留寄一枝首

官舍

歲蕤瑣下雙青銅盡日無人官舍中花落花開春已晚流鶯  
嘯過女牆東

陳斌一首

賦號雙叟江甯人明末總兵官有蘆簾集

又人專

田按雙叟以徵兵至滇沙定洲之變阻不得歸流寓  
蒙化錦溪築室植蘆匾曰蘆隱與雞足山無住禪師

遊結青蘆禪社有青蘆辭云我惟非癖愛蘆狄趣在  
蒼蒼天一色曉與詞筆奇突胸次瀟灑管著影問云  
余素性賞山水遇危泉峭澗則窺影自呼云爾誰氏  
子來向水中遊影不答相屬久之風驟響林木震動  
水波疊與影隨動其間短竹牽松拂陰翠錯異之曰  
霜棱捲碧醉墨堆煙爾影欲索我詩乎於是倒杖蘸  
綠毋論峭石枯苔儘意縱寫隨卽乾去又至蕭寺敗  
案積塵堅塵尾作字曰淺莎浮白老檜翻青鸚鵡不  
來芭蕉常寂可以見其興趣矣賞荷詩云荷盤捲露  
霜棱綠奇字鏘鏘灑瓊竹是昌谷得意語惜不多見

贈范秦符

范子草屨纏竹木我來題作古農家騎牛葉落一身雨問水

風吹滿笠花

辛籤卷二十六

丙

范子草屨纏竹木我來題作古農家騎牛葉落一身雨問水

風吹滿笠花

宋詩集卷之六十一見其與范秦符詩同又見其與范秦符詩同

宋詩集卷之六十一見其與范秦符詩同又見其與范秦符詩同

宋詩集卷之六十一見其與范秦符詩同又見其與范秦符詩同

宋詩集卷之六十一見其與范秦符詩同又見其與范秦符詩同

宋詩集卷之六十一見其與范秦符詩同又見其與范秦符詩同

辛籤

許友 六首

友字有介又名眉字介壽侯官人有米友堂集

錢謙益吾炙集余在南京為牛腰詩卷所困得許生詩霍然自開每逢佳處把搔不已

讀書錄有介畫如其詩蒼楚有致無一毫煙火氣好畫小竹傲管仲姬柔枝嫩葉姿態橫生自鑄許友畫

竹章每作竹卽用之因予累至京師渡河而北不復畫竹忽放筆為枯木寒鴉蒼涼之態不可把視

十五國風高言集田鬻淵曰有介諸作有振衣千仞之概有沿流九曲之情淡如菊清如竹

漁洋詩話楚人門巷瀟湖色竟陵胡君信句野航人遠雁聲低侯官許有介句

靜志居詩話先生才兼三絕名盛一時其詩篇章字句不屑蹈襲前人正如俊鶴生駒未可施以韉勒

畫史象傳有介書畫喜臨墓米襄陽搆米友堂辦香祀之

辛籤卷二十七下

晚泊瀛田

片棹以遲勝風輕波復微野煙依樹合沙鳥貼江飛人語孤

鄉近郊燈岸店稀記程今夜始一宿在漁磯

送鄭一作客

苔繡銀刀佩古囊雞聲勒馬著衣衰揮杯滿目皆朋友亂世

逢場卽故鄉斷岸孤舟千里夢曉天殘月萬家霜悲予獨自

看花後春柳深深冷草堂

畫郊行

乳鳩嘯午初醒夢蚊蠅雙飛正弄晴此地不因人世好滿村

花柳自清明

春日園居

但得幽居草木安  
小園數步較能寬  
芭蕉葉下閒來往  
一卷殘書斷續看

讀書夜盡聞鐘聲從白月來

石樓隱向白雲封  
知在蒼臺第幾重  
殘夜讀書人未臥  
萬山

明月一聲鐘

山居

落葉蕭蕭正掩門  
山僧野客坐松根  
水流花謝無人到  
煙外

板橋又一村

魯得之一首

得之字孔孫錢塘人寓嘉興有竹史墨君題語細香

辛籤卷二十七下

居集

李日華墨君題語孔孫天資高亮神明沈鬱居恆袂  
俗自恣走入竹中挹其颯爽之氣興到一呼墨君登  
案疏濃單複無不盡意

李肇亨墨君題語孔孫竹枝沈酣古法時出靈心不  
縱不隨亦離亦合心企手追畢臻其妙  
畫徵錄孔孫善書工墨竹發竿爽勁掃葉情利直由  
仲圭而追蹤文蘇矣李大僕日華稱為翰墨中精猛  
之將知言哉晚年右臂不仁以左手畫風竹尤有致

仿管仲姬竹

小蒸溪水晚風前  
天聖曾瞻翰墨仙  
剩有筆牀螺黛色  
為君

重繪碧湖煙

徐柏齡一首

柏齡字節之嘉興人崇禎庚午舉人有最光樓集

橋李詩繫節之受知於黃石齋石齋贈詩云節之胎  
我詩十章大清脫酒筆睨古今鐘鼎如鴟掇放浪遺

形骸瞻眺留日月不作悲離音不著窮愁筆不蹈辟支禪不弄飛騰術蕭然寄天地風雨絡膠漆田申後往來闕越間歸卒

大雲菴舫閣

買得浮家不在江竹梢分綠影漁艘秋風颯颯三更後月擁

寒潮到紙窗

朱奪一首

奪故明宗室諸生世居南昌國變後為僧號雪箇曰

人屋曰驢屋驢曰書年曰瀟漢最後號八大山人

邵長蘅青門稿八大山人明宗室居南昌遭變棄家遷奉新山中為僧號拂稱宗師臨川令胡君聞其名延之官舍年餘意忽忽不自得發狂疾忽大笑忽痛哭竟日裂浮屠服焚之走還會城狷作市肆間小兒隨觀譁笑人莫識也山人工書法行楷學大令魯公能自成家狂草頗怪偉亦喜書水墨芭蕉怪石花竹

辛籤卷二十七下

三

及蘆雁汀鳧倚然無畫家町畦山人有詩數卷秘不令人見予見山人題畫及他題跋皆古雅間雜以幽澀語不盡可解畫徵錄八大山人有仙才隱於書畫題跋多奇致不甚解書法有晉唐風格畫擅山水花鳥竹木筆情縱恣不泥成法而蒼勁圓暉時有逸氣所謂拙規矩於方圓鄙精研於彩繪者也襟懷浩落慷慨嘯歌世目以狂及筵知己十日五日盡其能又何專也

題畫

郭家斂法雲頭小董老麻皮樹上多想見時人解圖畫一峰

還寫宋山河

汪珂玉二首

珂玉字水徽州人僑居嘉興崇禎中官山東鹽運

使判官有鴛水月社篇西山品蠟辰音

四庫總目汪珂玉珊瑚絕法書題跋二十四卷名畫題跋二十四卷所載法書頗有目觀耳聞據以著錄不

盡其所自藏考據亦未盡精審所載名畫則宋元諸家錦心絕品收錄極詳贗素之富誠爲罕有  
靜志居詩話玉水不卑小官留心著述所輯珊瑚網一編與吳下張清父品題並駕惜乎詩草甚富泯焉無存

蘇小墓

無限春風無限情  
千年猶想碧油輕  
歌殘井畔桃花落  
舞剩亭邊柳葉生  
漠漠香魂疑月影  
茫茫玉質斷雲橫  
仙才仙色何曾死  
不獨錢塘夢得成

項氏所藏管仲姬竹卷友人得之已斷後跋忽有得其

題語者爲中峰及松雪兩翁手蹟時反疑爲贗作爲賦一絕

露葉煙梢幾幅攤  
晴窗影落石泓殘  
堪嗟書畫金湯失  
一樣

辛籤卷二十七下

四

河山破後看

張穆一首

穆字穆之東莞人有鐵橋道人稿

遺民詩鐵橋道人少奇挺知劍術壯歲來吳中任俠自喜結交皆名下士兼工詩畫吮毫潑墨橫睨無前其意欲有以自見不得遂歸隱羅浮以終

一夜過魏和公旅邸明發有瓊海之別

眷言同意氣離合便相關  
良夜不重得遊人難久閒  
明燈寒共影濁酒煖開顏  
此地能長聚菰蒲別世間

來蕃三首

蕃字成夫蕭山人諸生有北沙集

西河集成夫貧空敝衣縷裂所儲圖史外惟瓶盎十餘實米鹽紵絮每出行書衣筆表手自抱持至有挂

兩肘墨墨蔽以博山儼五石匏者邈近廣坐端視絨  
默值君者多卜君報賦以示臧否至為語云言勿言  
視來蕃甲申以後棄去舉業焉詩古文詞始以博大  
自喜既好為瑰奇側儻之語既又力追先秦崇尚奧  
衍精六書能作古文魚籀大小篆爰隸入神嘗作故  
明二畿賦雄博頓驚抵鞅前古人以口踏厭讀之惟  
虞山錢宗伯見之稱曰此馬季長之賦也少游蕺山  
之門蕺山日子袁夏甫也吾初以子為狂今知猥者  
也

### 板蕩三首

板蕩崇禎末遺賢尚有人登朝常掣肘抗疏敢危身九廟精

靈格三邊涕淚新時危不可掇西北望煙塵

伏枕蒼江上貧家獨樹幽若留千里駕客共百年憂晚秬垂

寒水秋瓜蔓故邱江山已殊異徒傍望京樓

野園秋水曲村徑窶人情萋菊開孤嶼青山邊廢城老宜驅

### 辛籤卷二十七下

五

續往貧擬賣魚生尙識前朝事垂紳際聖明

大武書五... 辛籤卷二十七下... 續往貧擬賣魚生尙識前朝事垂紳際聖明

續往貧擬賣魚生尙識前朝事垂紳際聖明... 續往貧擬賣魚生尙識前朝事垂紳際聖明

辛籤

王時敏 二首

時敏字遜之太倉州人大學士錫爵孫編修衡子以

蔭官尚寶司丞進太常少卿有西廬遺稿

容臺集遜之武夷接笋峯圖追踪子久煙雲奔放林  
麓深密實為畫中之詩坐收慢亭奇致歎服歎服  
梅村集先朝論畫取元畧大相亞當其搜羅鑒別得  
董宗伯為集其成奉畧與相亞當其搜羅鑒別得  
一秘軸閉閣凝思瞻目不語遇有賞會則寢寐狂  
拍掌跳躍於黃子久所作早歲遂窮其奧晚著萃諸  
家之長陶治出之解衣盤礴格高神王力追古人於  
筆墨畦徑之外識者知其必傳立幸著書何所不第  
吾當避舍於尺牘爾蘇子瞻黃仙谷於詩傲白香山

辛籤卷二十七

一

陸渭南固不止絹素流傳以書畫專門已也  
蠶尾集太常公風流海外世之論者以比黃公望而  
六法寸縑尺素流傳海外世之論者以比黃公望而  
牟壽亦如之此非煙雲供養不能  
揮裕歐香館集婁東王奉常煙客自髫時便游娛繪  
事乃祖爰蕭公屬董文敏隨意作樹石以為臨摹榜  
本乃嗣川洪谷北苑南宮華原營邱樹法石骨皴擦  
句染皆有一二語拈提根極理要觀其隨筆率處  
別所珍昔人最重粉本之韻不可掩者且體備眾家服  
習所珍昔人最重粉本之韻不可掩者且體備眾家服  
張庚畫徵錄太原王時敏性特慧嘗擇古蹟之法備  
文善書尤長八分而於畫有特慧嘗擇古蹟之法備  
氣至者二十四幅為縮本裝成爲巨册載在行笥出  
入與俱以時模楷故凡布置設施鈎勒斫拂水暈墨  
彰悉有根抵平生愛才若渴四方士畫者踵接於門  
得其指授無不知名於法廉州石谷爲其首也  
山靜居畫論國朝畫法廉州石谷爲其首也  
孫爲一宗廉州匠心洎染格無不備奉常祖孫獨以  
大癡一派爲法兩家設教宇內法嗣蕃衍至今不變  
宗風  
吳越所見書畫錄王鑑云子久畫如天駿騰空白雲  
出岫在元季大家中有超逸絕倫之譽近代推太原

奉常公深得其二味  
戴熙習苦齋畫煙客自謂得大癡之形以形神俱  
得許麓臺其實煙客得神更勝於得形不自謂得者  
謙詞耳  
田按煙客竊華亭之鱸開虞山之宗太原瑯琊一時  
匹美石谷甌香漁山皆親炙西田得其指授麓臺之  
符家傳又無論矣入國朝三十餘年歸然爲畫苑  
魯靈光吳梅村西田詩云到此身世寬息心事樵牧  
可以想其峻節高風矣

### 西田感興二首

陰陰梧竹暗漁隈小徑柴扉向水開  
書喜旁行從衲授畫乘  
閒興畏人催殘霞映浦低紅樹  
細雨滋花襯綠苔最愛寒煙  
疏柳畔雁行斜逐釣船來  
吳塘北去隔塵囂老我閒門鎖寂寥  
地僻禽魚神自王境幽  
雞犬色常驕猶嫌樹小難遮屋  
卻喜船通不得橋安得南村

### 辛籤卷二十七

素心侶芋羹豆飯日相招

### 李筆亭三首

筆亭字會嘉嘉興人太僕日華子有寫山樓率圃夢

### 詞與興餘諸草

六硯齋工筆亭兒有得雨寒蕪回舊綠被霜衰柳學  
新黃之句陳眉公先生極喜之然顧大涵五臆記京

### 西

口陳從訓有衰柳學新黃語余少時有雨濼烟痕上  
風枝鳥夢搖後閣春風堂詩話則宋人已有雨網蛛  
絲斷風枝鳥夢搖句矣

構李詩繫珂雪與搖庵同主駕社工詩能繪事所作  
如秋磧流泉雖波濤不興亦自清冷可悅

靜志居詩話吾鄉薛巖密之勝然園亭之參錯水木  
之明瑟舟楫之沿洄縱遊覽所如而不倦萬思以對

承平日久士大夫留意圖書詩論藏弄以文會友對  
酒當歌爲社之集譚梁生借會嘉和之先後賦詩者  
三十三人更本百年而闕闕故老已莫能與其姓氏

玉杯錦唐之地化爲宿草荒煙惟李氏寫山一樓尙  
未撤飛粉齋宛然靈光之在魯錄珂雪作不禁慨然

田按會嘉畫不及乃翁詩筆灑落畧相似

### 贈王修微女冠

旖旎溪雲淡蕩煙水沈香氣暗衝簾生綃白袷輕籠臂粉頰

青絲半蟬肩清許夜琴同鶴夢倩分曉黛入詩禪散花手腕

春風裏自寫蓮經繡佛前

### 畫景

霽色石橋流水蒼煙沙陽人家誰向曉風吹笛江寒落盡梅

花

### 題魯孔孫仿趙松雪墨竹

蟠胸逸氣吐華滋楚雨湘煙入夢思秀絕家風誰得似溫波

亭子興來時

### 辛籤卷二十七

三

金俊明

六首

俊明初名袞字九章更名後字孝章吳縣諸生有春

### 草閒房集

汪琬堯峯文鈔有明既亡吳中好事者皆棄去巾服以隱者自命儼然前代之逸民既而苦其饑寒頹路有能初終一節老且死牖下不恨者實無幾人若金先生孝章庶幾樂天知命者與孝章補縣學生數試於鄉不見收以焦氏易筮之得盡之良孝章謝諸太息曰天豈欲我高尚其事乎吾將從此逝矣謝諸生杜門以備書自給是時明猶未亡也孝章小草師曹娥碑行草師聖教序兼工詩古文辭閒喜畫樹石蕭疏有致其墨梅最工年七十偏乞常所往來者賦生輒詩其風流雅趣如此

百城煙水春草閒房在吳縣杜鵑街西雙林里金孝章所構宅後書齋也公高蹈不仕擁書萬卷鑪香茗椀日與四方名賢暨二子上震侃詠歌其中姜垓題春草閒房云春水蛟龍卧芳洲薜荔衣經綸人半老兵甲客仍稀濟世名山大編年信史非行藏須鄭重不是戀漁磯

靜志居詩話鄭虔三絕孝章克兼之兵後隱居厚市介不可易既卒門人私謚貞孝先生平生好錄異書

龐開寒暑仲子仇亦陶繼之矮屋數椽藏書滿積皆父子手鈔本也

一蠶畫徵錄孝章自號不寐道人善書畫長於梅花田披孝章畫梅余見數幅皆用乾筆作幹焦墨圈花  
苦竹辨氣韻生動邵僧爾高澹游輩畫梅均若此孝章詩筆老蒼爾多艱苦之音

和致一韻

若木甯忘拂羲和底易傾百年如此日孤抱欲誰明野暮愁  
風色寒煙斷雁聲可堪頁友共衰老慰吾情

暝愁二首

暝色兼秋集荒園草路深雨邊新雁去風外細蛩吟客老兵  
荒夜秋窮孤憤心廢書危坐久疏漏正沈沈

辛籤卷二十七

四

晚晚誰聞節概風夕陽荒草徧吳宮古人寂寞存微尚吾道  
艱難有固窮龍卧始高宜海澤鳳棲雖老愛梧桐論心此日  
應無負肯逐驚沙類轉蓬

題畫二首

率爾清溪泊聞名輒邀試客主不交言寥寥並高致  
長安馬頭塵滾滾日三斗笑殺孟襄陽衝寒爲詩走

題僧弘小畫寄公白

苦竹陰森石徑寒齋空宴坐聳高冠道人讀易無餘事老鶴

一聲秋磬殘

陳洪綬十三首

洪綬字章侯一字老蓮又字老遲諸暨人國子監生

崇禎中召為中書舍人國變後削髮為僧改字悔遲

有寶綸堂集九卷拾遺一卷

張岱陶菴夢憶章侯才足挾天筆能泣鬼昌谷道上  
婢囊嘔血之詩蘭渚寺中癡祕周賈耘老之貧畫苑  
目無古人既竊郭恕先之癖喜閱花而耘老之貧畫水  
游四十八人為周孔嘉入口計四閱月而成  
畫史會要章侯以明經不仕賦性狂散研心書畫所  
作古人物世所罕及

讀畫錄章侯畫得之於性非積習所能致昔人云前  
身應畫師若章侯者前非蓋大覺金仙何畫師之足  
云乎人但知其工人物不知其山水之精妙人但訝  
其怪誕不知其筆筆皆有來歷有過平陽水陸社見  
吳道子真蹟數十幅歸謂人曰人謂章侯杜撰學畫  
知道子預傲章侯豈道州杜撰龍眼七十二賢石  
便不規形似渡江搗杭州府學龍眼七十二賢石  
刻閉萬摹十日畫得之出示人曰何若似也則更喜  
又摹十日畫得之出示人曰何若似也則更喜蓋數  
而變其法易圓以方身整以散人勿得辨也初書楚  
辭像刻於山陰再刻水滸因得縱觀大丙書畫乃益  
舍人使臨歷代帝王圖像因得縱觀大丙書畫乃益

辛籤卷二十七

五

進故晚年書博古牌畧示其意章侯性誕癖好遊於  
酒人所致金錢隨手盡尤喜為貧不得志人作畫周  
其乏凡貧士藉其生者數十百家若豪富有勢力者  
索之雖千金不為搦筆也年五十一卒於山陰  
毛奇齡西河集洪綬好書連老蓮數歲見李公  
麟書孔門弟子勒本能指畫誤稱十四歲懸其畫市  
中立致金錢初法亦自以不逮蓮終其身不寫生日  
法傳染而輕瑛亦自以不逮蓮終其身不寫生日  
此天授也生平好婦人乞畫輒應蓮嘗摸周長史畫而  
人不得寐有攜婦人乞畫輒應蓮嘗摸周長史畫而  
再三猶不欲曰此指所模畫謂之吾畫易見好則能  
猶嫌何也曰此指所模畫謂之吾畫易見好則能  
事未盡也蓮畫以天勝然各有法骨法吳生用筆  
法鄭法士墨法荆浩疏道傳染法管仲姬古皇聖賢  
孔門弟子法李公麟觀音疏筆法吳生細古皇聖賢  
法衛協鳥瑟摩法范瑣諸衣冠士法閻右相史女法  
張驃騎道經變像法公麟衣冠士法閻右相史女法  
周長史助嬰法句龍爽俊髻法長史髻鬢長史女法  
帶盤薄法吳生金碧宮臺林泉濶時長史豐弁法大  
小李將軍雲山法浩衣穹盧番馬駱駝羊法趙承  
嶂尊卣餅器戎衣穹盧番馬駱駝羊法趙承  
旨馬承旨小馬法承旨之子竹石窠木法趙大年鉤

勒竹法劉涇墨竹管仲姬折技桃牡丹梅水仙草花  
法黃檢校錢選鳥晴花鬢點漆凸厚法宣和蠶蟬蚊  
蝶蜻螭蝟蝮蠅蟻蝻蝻蝻蝻蝻蝻蝻蝻蝻蝻蝻蝻蝻  
鳩法間助教士安雀法雀兒黃蓮法於蓮莆窠法母  
延之

圖繪寶鑑續纂章侯能書善畫花鳥人物無不精妙  
中年遂成一家奇思巧構變幻合宜人所不能到也  
漁洋詩話陳洪綏以畫得名亦能詩有憶舊絕句云

楓溪梅雨山樓醉竹鳴茶香佛閣眼清漏都成今日  
應神宗皇帝太平年出

靜志居詩話章侯四齡就婦翁家見新聖壁登案畫  
漢前將軍關侯象長八九尺翁見下拜遂以空奉侯

蓋繪事本天縱也崇禎間與北平崔青蚨齊名號南  
陳北崔有妾吳淨鬢亦善花草養塘馮秀才硯祥詩

云吳興公子粉花草待丹靚其真蹟所書年來陳  
待詔調鉛殺工繼前人余每觀其徒嚴水子山子司馬

治絕倫今則贗本紛紜多係其徒嚴水子山子司馬  
子雨輩所傲率皆遷藤威施矣詩頗饒逸致

陸次雲湖濶雜記兩堤垂柳余幼時及見其盛明鼎  
移時皆羅翦伐陳洪綏會寫一圖湖上其外六橋

頭楊柳盡裏六橋頭洪綏會寫一圖湖上其外六橋  
行過更依依若幸之而實惜之也每放步其間不勝

辛籤卷二十七 六

張緒當年之想  
書徵錄洪綏畫人物軀幹偉岸衣紋清圓細勁兼有  
公麟子昂之妙設色學吳生法其力量氣局超拔磊

落落伏唐之上  
山靜居髮論陳章侯崔子中皆出羣手筆落墨賦色

精意毫髮備古爭奇各出幽思子中人物外他畫少  
見章侯山水花卉類有平淡天然之作點染得元人

遺意僻古是其所能亦其所短也  
田按章侯論畫云今人作家學宋者失之匠何也不

帶唐流也學元者失之野何也不遯宋源也如云唐  
之韻運宋之板宋之理行元之格將軍營邱白駒諸

公雖千門萬戶千山水都有韻致此論可以通唐  
宋之畫脈章侯人物奇古山水雄秀七絕瀟灑出塵

前有沈敬南後有陳章侯真畫家宗匠詩家逸派也

失題

千里別無恨有懷在醉翁棹頭楊柳色驢背落梅風酒勸揚  
州女歌聽吳市童歸來茶正熟生活竹溪東

橋頭曲

歡宿鴛鴦樓儂宿蘆葦渚兩夢如一夢明日何處語

玫瑰

老來貪識春風面懶作徐熙落墨工誰能添箇鳴春鳥細雨  
宮愁十二紅

書屏

奈有湖山一日緣藕絲風裏歇紅船幾時收拾情緣盡坐得  
松龕二十年

春詠

秋冬之際吾得病雪屋松窗對佛燈今日勞勞鶯燕日百花  
深處卧詩僧

辛籤卷二十七

七

南旺寄內

饑來驅我上京華莫道狂天不憶家曾記舊年幽事否酒香  
梅影話窗紗

與某僧

當今無處不天涯猶恨天涯無處家喜得北山僧帖子邀儂  
十日看梅花

卽日

一百五日春郊行三十六溪春水生千秋館裏逢雨急射的  
峯前看晚晴

偶詠

不識如何笑作愁東阡西陌且閒遊兒童共道先生醉亂折

黃花插滿頭

寄黃四林一娘

金樽酌我黃公子玉管催詩林一娘遙憶兩人秋思好月明  
雙槩住橫塘

詠陳瓊海棠

阿儂自負王曇首細按紅牙紫鳳鳴學得內家新曲子海棠  
花下問陳瓊

紅樹

霜螯琥珀莎薑紫捧出當爐十五兒恨殺秋山紅樹裏獨無  
此事入新詩

愛寫畫長公與恆如

辛籤卷二十七

八

愛寫圓通蘇子瞻一年幾得兩三縑老僧乞請伽藍去溪水

山花白布簾

崔丹二首

丹字道母更名子忠字開予又字青蚪順天府學生

東人

無聲詩史崔子忠號北海山東人崇禎癸酉董宗伯  
思白應宮詹之召子忠遊於其門甚相器重懸想倪

迂高致以意為洗桐圖貌雲林著古衣冠注視蒼頭  
盟樹具遠迤寬博之概雙鬢捧古器隨侍娟好靜秀

有林下風文石磊砢雙扶疏覽之令人神灑想其  
磅礴時真氣吞雲夢矣于忠不惟善畫更以文學知

名於時  
靜志居詩話道母以畫見知華亭董尚書益自重家  
最貧有以金帛請者概不納有二女皆善畫萊陽宋

司臬王叔會示子許旌陽移居圖鬼物青紅備諸詭  
異之狀幾與龔璽與爭能匪近日畫家所及也甲申

寇變走近郊匿陶穴中不出遂餓而死復社一二集

道母均與焉先後名字不同  
畫徵錄順天崔子忠善人物與陳洪綬齊名號南陳北崔

### 滴水巖二首

石以當空立巖如急就成雨花山廟溼雷樹羽宮晴絕壁洪  
荒在陰疇晦朔并古潭龍夜語徐憂應泉聲

人不知高下山春水似流星河平地看雞犬半天遊洞腹藏

元氣山根養汎流白雲朝出宿知是繞神州

### 龔賢 六首

賢又名豈賢字半千一字野遺號柴丈人崑山人流

### 寓金陵有香草堂集

讀畫錄半千性孤癖與人落落難合其畫埽除踐逕  
獨出幽異自謂前無古人程青溪論畫於近少所許

### 辛籤卷二十七

九

可獨題半千畫云畫有繁減乃論筆墨北宋人千即  
萬壑無一筆不減元人枯枝瘦石無一筆不繁通此  
解者其半千乎半千早年厭白門雜沓移家廣陵已  
復厭之仍返而結廬於清涼山下茸半畝園栽花種  
竹悠然自得足不履市井唯與方衲山湯岩夫諸遺  
老過從甚歡筆墨之眼賦詩自適詩又不肯苟作嘔  
心抉髓而後成惟恐一語落人蹊逕酷嗜中晚唐詩  
蒐羅百餘家中多人未見本會刻廿家於廣陵惜無  
力全梓至今珍什笥中古人慧命所係半千真中晚  
之功臣也

程正揆青溪集半千用筆如龍馭風如雲行空隱現  
變幻渺乎其不可窮蓋以韻勝不以力雄者也  
王暉今世說龔柴丈隱居清涼山有園半畝種名花  
異卉迺堂下鳥弄林端日長無事讀書寫山水之餘  
高枕而已  
圖繪寶鑑續纂半千書初從北宋築基一變古法沈  
鬱深厚自成一家  
愚山集龔半千像讚人推詩老自稱柴丈名不可逃  
俗不可尙尊酒陶然筆墨天放投迹品中寄情霞上  
盧見會感舊集注半千畫愛做梅花道人筆意嘗自  
寫小照作掃落葉僧因名所居為掃葉樓  
畫徵錄半千畫筆得北苑法沈雄深厚蒼老矣惜秀

韻不足耳

秦祖永桐陰論畫半千與樊圻高岑鄒喆吳宏葉欣

胡造謝蓀爲金陵八家田按半千畫濃墨粗筆揮灑淋漓册葉小幅著色者別饒趣韻

### 一公得法東遊

師去忽經年書來兩月前持梅辭蔣廟帶雪下吳船道大終難隱蓬飄未易旋相思但相念切莫寄詩篇

### 何日山中住

何日山中住山中廣置田高原兒課種精舍我閒眠二月到八月鶯天與笛天總無愁苦法那得不長年

### 扁舟

扁舟當曉發沙岸杳然空人語蠻煙外雞鳴海色中短衣曾

### 辛籤卷二十七

十

去國白首尚飄蓬不讀荆軻傳羞爲一劍雄

### 久不得韓呂消息

平生好遊歷此別日偏多嶽寺聽猿住江鄉傍虎過衰羸吾自念疾病爾如何短榻依然在空房鎖薜蘿

### 胡介再過邗上

相逢知不易一拜淚潸然此地又春草吾生俱暮年囊空出詩卷廚冷動炊煙耆舊今誰在尊前各自憐

### 晚出燕子磯東下

江天忽無際一舸在中流遠岫已將沒夕陽猶未收自憐爲客久轉覺到家愁別酒初醒處蒼煙下白鷗

### 歸昌世

二首

昌世字文休崑山人崇禎末以待詔徵不應有假菴

詩草

列朝詩集文休風神散朗有材氣善畫墨竹能草書與李長蘅交好晚作刑陶詩為程孟陽所稱無聲詩史文休墨竹枝葉清洒逗雨舞風有渭川淇澳之思兼工印篆

靜志居詩話歸熙甫長於筆而短於詩讀季思文休作覽後來者勝田按文休大僕孫也與叔父季思俱以節操名五言有柴桑遺韻

和陶雜詩二首

宇宙何茫茫起滅同一塵胡為一日間各營百年身華堂與崇邱去疏來者親我廬非我有四顧誰為鄰有如遠行客當夕已戒晨有懷不勝嗟舉目皆勞人

東髮萬里志終焉老一經夕秀復朝華孺子多早成老少不

辛籤卷二十七

十一

相及時事亦變更隱几靜焚香和墨書黃庭草莽無遠圖不寐晨雞鳴兵食仰東南愴然傷我情

歸莊一首

莊字元恭崑山人太僕丞有光曾孫諸生有恆軒集

時山游詩二首

靜志居詩話恆軒好奇世目為狂生善行草書嘗題其齋居柱云入其室空空如也問其人置鬻然曰鄉郵傳之謂可入敢顏錄其名字屢更崇禎中忽請於學使者改名祚朋自是以後或稱歸妹或稱歸乎來或稱元功或稱園公或稱懸弓恆軒其別號亦號普明頭陀又號麀齋鉅山人沒後女婿金侃輯其詩文名字一從其舊焉侃處士俊朋子能詩畫亦隱居不出

董令三岡識畧墨竹一派自梅道人後宣正間則推夏景論者謂可比肩元鎮徐渭王問俱不及也邇來畫者雖多鹿城歸太僕孫莊氣韻蕭疏頗得古人遺意莊別號麀齋鉅山人性好奇醉後揮灑常畫巨幅

山中春  
題一絕貽子云勁節寒姿是性生岷然筆底作秋聲  
吳兒只解稱朱鷺柳葉蘆苗浪得名

歸琦亭集外編世傳萬古愁曲于魂環恣肆於古之  
聖賢君相無不詆詞而獨痛哭流涕於桑海之際蓋

離騷天問一種手筆但不能定其為何人所作近人  
或以為譚翁或為道隱或以為石霞皆鮮證據惟

魏勺庭徵君及其事於恆軒壽序子始取而跋之沈  
繹詹事謂世祖章皇帝嘗見此曲大加稱賞命樂

工每膳歌以侑食古之遺民野老記甲子哭庚申大  
都潛伏於殘山剩水之間未聞有得播與朝之鐘呂

者是又一異事也恆軒少入復社於書無所不窺嘗  
同顧推官舉師不克行遜得免書淫墨癖遂以佯狂

終身  
示 一日

### 落花

枝上黃鸞漸露身飛英歷亂墮紅塵將隨薜荔依山鬼難共  
靡蕪待美人河北名園貪結子武陵歸棹欲迷津香車寶馬  
緣都盡天與幽人一錦茵

### 辛籤卷二十七

### 顧樵三首

#### 樵字樵水吳江人

今世說顧樵水詩篇秀絕畫亦屬能品嘗作秋林圖  
贈吳梅村吳歎曰對此尺幅使人幽思頓生  
畫徵錄樵水有詩名善山水學石田翁與族人茂倫  
同里徐松之並稱高人

#### 元夕後一日集暉樓

燈火仍看滿禁城夏朋尊酒歲時晴柳條猶待東風發月色  
還同昨夜明橫笛樓頭離別恨落梅簾外踏歌聲山陽舊侶  
雖無恙逝水年華百感生

#### 題吳嶧山儀部讀書堂

門對長河煙水寒閒鷗日日到沙灘溪流汎出桃花片知是  
山中春已殘

合流竹橋池館里人感林壑不暇時賦謝高僧又劉師亦  
巉巖石磴水澌迴常有溪雲入樹來行過竹橋通別徑始知  
花裏有樓臺

徐繼恩

二首與詩等類本古文集卷之四十一  
繼恩字世臣仁和人貢生晚為僧名靜挺字偃亭有

文十笏齋詩鈔

閻義順 今世說徐繼恩少擢茂才異等舉明經遭亂不仕隱於竺乾山中天性英爽不耐憂煩嘗謂人非金石立

草半 見銷亡不若逃形全真肆志方外

風宿皋亭卻憶笠菴道人雪川次韻 圖繪寶鑑繪纂藝堂詩畫俱優師佐元四家

空山雲影碧棱棱極目寒原第幾層煙樹倚天迷宿草霜花  
緣路隔疏藤鳥唳古塔皋亭月雁度虛窗蕭寺燈惆悵我來

辛籤卷二十七

三

君作客卻尋高詠過吳興

虎邱

虎邱石上夜唳烏說法生公近有無山寺鼓鐘還寂寞吳宮  
花草半荒蕪人從鶴市歸帆遠客夢鷄岐落月孤最是麻姑  
閒舞袖乘風飛過洞庭湖

文册一首

柘字端文長洲人有慨菴詩選

長洲縣志端文從簡子甲申後奉親隱居寒山父歿  
徙居陸墓與韓孝廉沐方文學夏結茅耕樵以終  
晝徵續錄錄端文畫山水一稟祖法所著有青氈雜志

合流菴

合流門徑古數里入松林室小迎朝旭牆高載夕陰梅花臨

澗發竹色傍山深隔嶺吾家近還期早晚尋

楊補二首

王留補字無補一字曰補號古農先世清江人移居長洲

錢謙益有學集無補壯歲遊長安詩名藉甚余賞其警句曰關魚食葉如遊樹高柳眼陰半在池以為文

外獨絕書之扇頭筆相諷誦歸而與邢昉願夢遊刻意黃子久清新古淡之學詩道於是大就善畫落筆

讀畫錄古農嘗畫小幅大不盈掌自題云永嘉郭外

山川點點皆倪黃粉本也金俊明題此幅是龍友令

永嘉時古龍遊經其地憶寫所見秀澹潔明擅元人

之勝龍友嘗為古農作小幅轉以相贈筆致亦絕類

此可知良友氣味相入也王阮亭一絕云布衣曾說

場無補筆墨風流自一時留得永嘉遺跡在殘山剩

水也堪思

舍舟白石村籃輿遵澗麓窈窕青翠光盤旋上空曲渾渾太

古峯巖巖壓坤軸赤立起中天頽然表太樸我行繞厥趾仰

睇魂魄肅有泉自巔來霏霏落珠玉霑灑溼暑衣從風散百

谷凌晨眺巖竈亭午穿巖腹縹緲開精藍因崖結為屋稍憩

登頓勞還依石床宿壑暝雲歸同夜靜泉喧族謝公行田處

微月照煙綠曠哉棲真士於此翔高躅只今峯上頭痕有雙

白足惆悵區中緣明朝苦何促

輕順閣看月和邢孟貞

海城清曠地夏氣只如秋此夜生明月羈人共倚樓蒼山橫

玉笛烏鶻近簾鉤晚興坐超忽鳴琴成獨愁

周祚新一首

祚新字又新貴州衛人崇禎丁丑進士授戶部主事

程正揆青溪遺稿題周墨龍畫竹此君寥寥三百年  
雖如石田健拔停雲超逸不復見長蓋以用法易得  
筆難也墨龍獨力追古不踐不入一時無輩梅花復  
起必曰似我

廣陽雜記周祚新貴州人弘光時兵部司官遂家南  
京善畫竹號墨奴今其遺跡已貴如拱壁矣  
無聲詩史又新寫墨竹得文洋州梅沙彌心印蓋又  
新所藏多名蹟而與可仲圭之襍材咸萃青箱故能  
為此君傳神也

黔詩紀畧又新擅詩畫墨竹尤擅長李專題墨竹云  
琅玕三尺凡五節節節墨化仙陂龍謂非與可不能  
辨竟是人周墨龍又新爲楊龍友妹婿收藏鼎彝  
書畫不亞於龍友惜其集無傳

### 詠春水

湘娥細剪鸚哥翎水仙綃帳鯉魚腥天池浩瀚蒼溟溟蔚藍  
倒映淵泓渟楊花未飛蒲未長縠紋蕩漾晴如紡漪漪曲曲  
似有情小小輕舸不用漿

### 辛籤卷二十七

#### 呂潛十首

五

潛字孔昭遂甯人大學士大器子崇禎癸未進士有  
洞宛懷歸草堂守閒堂課耕樓等集

漁洋詩話呂潛字半隱故明兵部尚書大器之子亂  
離後流寓江左有詩云橫江閣外數帆檣立盡西風  
鬢欲霜只有鄉心不東去蚤隨煙月上瞿唐  
畫徵錄孔昭善花草用筆放縱而不越知篋神氣清  
朗可貴性曠達淡於仕進入國朝遂不出以詩畫  
娛老

吳興詩存半隱甲申後避地吳興愛山水清遠遂家  
焉春秋佳日扁舟攬勝與漁樵爲伍人不知其貴介  
也詩調新穎書法似董文敏畫亦有北苑筆意其亦  
元真子太白山人之亞歟

### 送友蒼上人住水西

瓢笠歎無定名山久待公雪殘春路滑雲過晚江空道口馴  
岩虎鄉心折塞鴻還憎多慧業詩句滿南中

秋水園卽事

近午過重溪亭空春草齊幾家團市小一寺背山低花隱漁  
人路香留燕子泥前賢遺澤在五夜尙聞雞

邗江夏夜懷史赤豹蕭寺

飛鳥不知處孤城生暮雲吟邊誰是苦鐘畔爾先聞

王閣風號故相墳蜀岡有歸路吾亦戀斜暉

吳園次罷守吳興感贈

不悔無家計蕭條傍雪村經宵焚柏子向月倚桐孫楚寒煙  
波濶吳船洞壑尊有時念漁父短服過柴門

江陰晤年友張四若志感

二十年前別重逢白髮生登堂如有淚對面各無聲多難惟

辛籤卷二十七

六

存骨居貧不墜名天涯兄弟少悽絕動江城

石亭寺樓與友人話舊

江濤如雪亂飛鴉客裏逢人漫憶家杜宇叫殘巫峽夢鷓鴣  
聲斷嶺南花天涯寄食無耕土世外藏名有釣車試看滕王  
遺跡在西山空對晚煙斜

泮梁

魚龍去後息兵爭萬井依然禹甸清望裏遺宮春草沒吟邊  
古戍夕陽平遊梁詞賦慚司馬入洛年華異賈生欲問夷門  
柝隱處荒隄衰柳不勝情

過蜀府

鐵券金符付劫灰桐圭零落蜀王臺誰從輦路鳴鞭過猶記

宣門拜刺來，曾井寒泉沈。鳳羽天街白，日走龍媒短。墻桃李  
家家發，畫角聲中杜宇哀。

寒歸歸雲菴偶題  
竹院煙光合，秋山樹影分。自憐長作客，歸計不如雲。

十里桃花岸，無嫌策杖遲。正宜稍遠處，最好未開時。

張飄四首

觀字大風上元人諸生有雙鏡齋詩

讀畫錄大風家貧，惟容膝地。每天雨秋，監騎卧書案。  
上常累日嚴冬，冰雪與鄰舍生談，裸脛立或移漏刻。  
妻亡不再娶，大風畫無所師，授偶以已意為之。遂臻  
化境，滿然淡遠，幾無墨跡。可尋秣陵畫家掉臂孤行  
者，大風一人而已。貌頎偉，美髭髯，望之似深山老煉  
士。工圖章，詩賦少時為諸生，甲申遂焚焚帖括，括衣短

辛籤卷二十七

七

後佩制緣走北，出盧龍上谷，覽昌平天壽諸山，所  
至公卿爭相迎，大風揮灑應之。有中貴子招飲，邀館  
幕中，大風起立，瞪目不答，酒罷引去。一日興盡，即治  
裝衣，蒼衣騎驢而歸，性幽僻，多寓僧寮，道院不一省。  
其家所為詩，若詞皆秀警，可誦與人處，渾渾不露圭  
角。畫尾署真香佛空四字，或稱昇州道士。  
畫徵錄大風善畫山水花草，筆墨中之散仙也。

江村晚望

春來無幾日，碧草徧溪灣。為看水中石，忽逢花外山。江船載  
酒賣，野老得魚閒。今夕多新月，柴門不用關。

落日

寒煙上邱隴，落日下羊牛。一澗碧泉響，四山紅葉秋。霜茅失  
樵徑，獵火見漁舟。歲晚罷耕種，商畬纔薄收。

同劉旅皇飲借集看菊

黃花開石屋歲晚足摩娑飲酒亦逃世哀時恆獨歌地偏風  
露冷江逼雁鴻多卽此成嘉遯蒼生奈爾何

田園卽事

樹底雲生隔淺蒼花間犬吠出危橋綠林麥熟經晨雨艤岸  
船高入夜潮計拙兒童諳稼穡時違兄弟老漁樵田園長更  
餘風月村北村南酒滿瓢

周容一首

容字鄧山鄞人有春酒堂集

徐文駒集鄧山以勝國諸生放之於酒無日不  
飲無飲不醉其耿耿者不能自釋或會寮野店忍泣  
吞聲或賸水殘山章勳哭又以詩洩之振筆一揮  
清詞麗句風發泉涌傲岸兀獨來獨往  
歸琦亭集鄧山先生少卽工詩常熟錢侍郎牧齋稱  
之謂如獨鳥呼春九鐘鳴霜所見詩人無及之者錄

辛籤卷二十七

夫

其詩於吾彖集國難後棄諸生放浪湖山世多方之  
徐謂非其倫也先生以布衣詩人名願其素心水一事要  
肯以山澤體夸篇什者卽其救徐御史心水一事要  
非東西京人物不足語此先生未知名時爲御史所  
識御史一日遊山莊爲士兵縛去眞平西將軍王朝  
先營囚水牢中先生故常來往海上諸營部下大譁  
挺身往請之朝先握手道來邊釋御史歸都相識者  
朝先武人忽發怒下先生獄榜掠之足由是覺嘗自  
笑曰吾今且爲半人因別署篋翁最工書亦喜畫飲  
酒數斗不亂故諧間作輒傾一座  
畫徵錄鄧山善書工畫疏木枯石自率胸臆蕭然遠  
俗不拘拘於宗法

丙申閏月晉陽寄懷固菴

朝遵滹沱涯暮宿井陘昏回首指燕關燕關日先沒朝上晉  
陽樓暮望燕關月作書久莫寄封書還自發寄書莫寄黃金  
臺黃金旣盡徒蒿萊獵犬追兔雙肯赤何處一奠昭王杯寄  
書莫寄擊筑處沽酒不醉客易去往事唯留易水寒易水何

嘗遶丹臺寄書莫寄西山雪春後作波流勿絕杜鵑止在江  
南嗚誰護陵傍花似血寄書莫寄荊州君大篇隻句天下聞  
結客破家三十載只今瘦馬隨時人報國寺松雙樹亞開元  
父老譚閒暇市兒過盡生江風一月幾回步其下嗟嗟去歲  
入燕闌雁叫霜天衣袖單投旅愧人問何事南裝倉卒多勞  
看明朝買驢強造謁撲面塵埃路交窄右讓雕鞍猶未過左  
輪摩膝讓不得下驢呼僕牽驢行大宅華門多送迎紛紛云  
是貴長者廷尉丞相將軍名黃色狐裘貂色紫上燈下鏡竟  
誰子相逢垂手點頭偏斜鞭直入明光裏我一見之但惆悵  
故交茫茫戶南向闔者如帝懶作鷹張腮挺腹形軀壯冬陰  
何短歸路遙獨君倒屣逾久要出酒坐對燭花落下階已白

辛籤卷二十七

九

冰花高燕關五十有一日半在松間半君室尋常減米移蛛  
錢雨霰市中增炭值臘之六日有晉遊前一夕半猶我留出  
卷索題并索畫醉深捉筆同乘舟次晨馬上經君戶呼君不  
出知君卧蹠踐踏轉蘆溝西胸中松與君交互暮宿井陘春  
燕關月如玦朝上晉陽樓汾河水決決三春青草不到堦夏  
五燕子空飛來土沙雜著橫梁粉辛苦與雀爭虛際江南白  
芒吹新澣今日披裘寒色滿只看氣候甚參差驚覺故鄉程  
更遠所慰主人情殷勤尊前時時說及君囑君頻上慈仁閣  
爲我遙望太行雲

頂聖謨一首

聖謨字孔彰號易菴又號胥山樵秀水人有朗雲堂

集

容臺別集項孔彰畫眾美畢臻樹石屋宇花卉人物皆與宋人血戰就中山水又兼元人氣韻雖其天骨自合要亦功力深至所謂士氣報之勝事矣此交孫不負好古賞鑒百年食報之勝事矣書徵錄胥山樵畫初學文衡山後擴於宋而取韻於元其花草松竹木石尤精妙吳越所見書畫錄王馮緒云項孔彰山水全師北宋兼擅寫生尤善畫松故明時項松之名滿東南田按孔彰畫長於仿古余見其冊頁數事山頭聳峭怒濤飛立得力於北宋大家而別饒氣韻可稱能手

自詠松濤散仙圖

偃息松濤一散仙  
葛巾挂壁自閒眠  
窗前有竹聊醫俗不到

長安已十年

墨緣策觀頂聖謨  
松濤散仙圖自跋云  
余髫年便喜弄柔翰  
夜必篝燈著意描寫  
昆蟲草木翎毛花卉無物不備  
必至自形而止忽一夕夢筆立如柱直干雲霄  
上有層級如梯長可一二丈許  
余登而據其毫巔

辛籤卷二十七

辛

敲掌談笑嗣後佛法古人往往自得自丙寅六月書成招隱圖後此第二卷也命曰松濤散仙圖偶有自咏詩云云

蕭雲從一首

雲從字尺木一字默思  
太平人貢生移家金陵晚稱

鍾山老人

圖

池北偶談蕭尺木以畫壇名  
江左嘗作杜律細一卷以為杜律無切體者穿鑿可笑而援據甚博圖繪寶鑑續纂蕭尺木明經不仕筆墨娛情不宋不元自成一格

陳瑛賦園雜志胡贏季守太平曰  
慕蕪湖蕭尺木能畫三訪俱辭不見胡怒時新修采石樓太白樓成遂於案牘中插入尺木名攝之至遂至樓中令白壁間若圖成即當開釋尺木年已七十餘方卧病不得已

畫巨盧峨岫泰岱衡嶽四大名山  
凡七日而就遂絕筆至冷登樓者歎賞不置畫與斯樓俱傳矣事與沈敬南絕相類

畫徵錄蕭尺木號無問道人善山水  
不專宗法自成

一家筆亦清快不俗與孫逸齊名兼長人物生平所  
畫太平景離騷圖好事者鏤板以傳  
郭麐鬢餘叢話蕪湖蕭尺木居士以畫名一時詩不  
多見近得見其集蓋谷首論髮之流也詩多七言律  
又每作必盡三十韻積放自喜不拘聲律以自抒其  
佻僻無聊之思而已有惜姆詩三十首序云金陵小  
伎避亂野處秉禮自守不輕從人間其名曰惜姆或  
如杜詩不嫁惜姆婢意噉蓋寓言以自況也如欲炙  
銀笙嫌氣媛為挑蠟炬戒心款幸未折殘江上柳若  
爲卜築水邊村長話祇因經亂後避人偏覽此身多  
月上莫依人弄笛春殘不見鳥窺簾等句可見又有  
鍾山梅下詩如海內有春藏北斗雪中無路覓南枝  
名花嶺上供千佛野雪香中閱六朝皆此意也

香來

郊居詩

隨意寒塘釣鉤青蛤作伴立竿頭浮雲天際歸何處獨樹  
溪邊影不留蹈海魯連龍戰日還家蘇武雁聲秋身經遷播  
皆萍梗一有吾廬更有愁

辛籤卷二十七

三

金遠一首

遠字遐生長興人

吳興詩存遐生性耽山水種梅百樹時吟其下工畫  
能詩自擬在淵明和靖間

蒲上晚歸看雪

春來頻見六花飛白屋家家盡掩扉獨有野人幽興劇夜深  
猶載滿船歸

畫太平景離騷圖好事者鏤板以傳  
郭麐鬢餘叢話蕪湖蕭尺木居士以畫名一時詩不  
多見近得見其集蓋谷首論髮之流也詩多七言律  
又每作必盡三十韻積放自喜不拘聲律以自抒其  
佻僻無聊之思而已有惜姆詩三十首序云金陵小  
伎避亂野處秉禮自守不輕從人間其名曰惜姆或  
如杜詩不嫁惜姆婢意噉蓋寓言以自況也如欲炙  
銀笙嫌氣媛為挑蠟炬戒心款幸未折殘江上柳若  
爲卜築水邊村長話祇因經亂後避人偏覽此身多  
月上莫依人弄笛春殘不見鳥窺簾等句可見又有  
鍾山梅下詩如海內有春藏北斗雪中無路覓南枝  
名花嶺上供千佛野雪香中閱六朝皆此意也

明詩紀事

卷之四十五 貴陽陳一田輯

辛籤

張綱孫十三首

綱孫一名丹字祖望錢塘人有秦亭詩集十二卷

四庫總目丹與陸圻柴紹炳陳廷會毛先舒丁澎吳百朋孫治沈謙虞黃吳相伯和稱西泠十子秦亭集晚年所刻原名從野堂集前有自敘一篇述其游歷所經而詩格與之俱變毛先舒稱其悲涼沈遠矯然不羣朱彝尊亦謂其五言古體波瀾老成南北句法諸篇尤為奇崛又嘗批其北歸詩云句句學杜句不襲杜句句做句不做其傾軋甚至故舟寄翁尊詩有慚我詩詞遺知己思君杖履定登臺之句今觀其全集其七言古體亦宕逸可誦不獨五言特諸體未能悉稱律詩尤不免率易

辛籤卷二十八

樂交遊好為詩古文詞喜山水深溪邃谷不避險阻每得意長嘯忘返毛雅黃言祖望詩蒼澗頓挫如大漠風莽莽無極  
西陵獨運語有利鈍無妨老境  
法能居詩話秦亭詩方之西陵諸子逸倫絕羣  
靜志二集祖望北游五言古可讀頗少陵入蜀諸作田按祖望早年入西陵十子社望其詩無甚殊絕晚乃蒼渾雄肆人固不可無年

坐安隱寺

箕坐青苔石虛谷聽未了法堂隱竹暮古殿敞松曉澗深生  
溼雲藤垂怯隱鳥回顧白石潭傍映蘿月小

贈孫宇台

梧桐生高岡爰伐為兩琴一彈麥秀歌一彈采薇吟鼓宮亦宮調鼓角亦角音是知相感物所貴在同心同心可企古其

利比斷金哀歌恆不見彌思商維岑

琉璃河

仲冬嚴氣寒堅冰白似骨策馬琉璃河橋滑不可越從者挽  
繯繩兩足尙棹杙前人戒後徒那知墮倏忽闌干有鐵棹半  
插沙水窟云昔王將軍勇氣殊不沒死難梁晉時慨慕將賢  
將

廢園郎季千沈去矜夜坐

微月向荆扉古樹流螢白涼風吹懷抱雜坐感今夕惜哉芳  
樹園零落生薇蕨海燕始去帷寒蛸早居壁歌梁想餘音舞  
臺誠遺迹旣成蹊蹊復象萑葦澤幸藉二三友秉燭譙良  
席何以慰所思清言庶悅懌

辛籤卷二十八

二

山居

人生苦不足趨利無窮年孰是能居貧而終寡所牽入山不  
必深且耕南村田解衣桑樹下負薪古墓間古墓多白骨蕭  
蕭生寒煙及時當行遊恐爲樵牧憐

贈恒貫上人

尋師萬里外隨宿古招提天盡條枝北河流大夏西秦關看  
雁去蜀道苦猿嘯應覽名都勝津梁路不迷

秋雨

棟雲迷昨夜簾雨暗來朝門接黃溪水樓聽白塔潮花鷗形  
泛泛魚虎羽翹翹閒問投罟者前村縱木橈

湖上

湖山聊自放天地一高歌草色秦亭合松聲伍廟多微風低  
白鷺陰雨叫蒼鴉欲溯中流去愁心奈若何

登華城雪望

秣馬荒城暮霏霏雪滿天寒雲垂大地春色散長邊赤豹藏  
妖窟黃熊走獵煙客心終不遂頭白此山川

度泗水

泗水流波濶千年齊魯間大魚噴沫起老馬鬪風還落日依  
蕭縣孤雲出碭山始皇求鼎處寂寞一沙灣

蚤過沿山

已背沿山縣龍門此界開高帆帖嶺度奔溜射潭迴古壁攢  
風穴晴雲洗石臺幾翻歌嘯起穩坐興悠哉

辛籤卷二十八

過小孤山

山勢插江出中流斗壁迴潮分彭澤大石裂馬當開鬼斧龍  
宮削神雲鶴觀來小姑不可見愁絕望妝臺

積雨

積雨西湖後開簾望遠汀輕舟依獨樹細草上荒亭鶴鶴晚  
風足魚蝦春水腥那知蓬戶外山色盡冥冥

沈謙十三首

謙字去矜仁和人有東江集

今世說去矜少穎慧六歲能辨四聲長益篤學嘗自  
言著作須手定自刻庶保垂遠若以俟子孫恐故紙  
斤不足當二分直也僻處杭之東偏聲名藉藉吳越  
齊楚之士過鼓村車轍恒滿  
西陵十子詩選柴虎臣曰去矜詩如秦川佚女巧弄  
機杼心于旣調花鳥欲活活吟其啞軋之聲皆中矩度

不見  
又加金簧初炙肥而不裂

靜志居詩話西陵十子多以格調自高去矜兼采組

於六朝故特溫麗

田按去矜樂府安雅中節五律高朗七律雄麗洵是才人之雋

### 引聲歌

外極莽蒼內保精粹至人不言四時咸備理不出身道不在  
智形體塊然神明所寄虚心實腹抱道守真大化迴薄與仙  
者鄰運幹圓象敷布廣輪陰陽不害庶得平均

### 秋閨曲

寂寂璇閣暮迢迢玉塞秋紫苔生古砌華月映空樓寄書北  
雁少臨鏡翠蛾愁戍火遠猶見寒衣擣未休掩中時哀淚挾  
悲憶纏頭畏問銀漢裏早晚會牽牛

### 辛籤卷二十八

四

### 行路難

美人遙夜開金堂輕軀緩步搖明璫含情凝睇如不樂博山  
火冷銷都梁紈扇團團象明月羅衣肅肅愁嚴霜人非一身  
誰不別攬此盛年情莫當不見芙蓉猶並蒂下有比翼雙鴛  
鴦

### 晚眺

川原望不極孤客自登臺落日大荒遠平沙秋雨來青門生  
事渺白石壯心哀歸思西風後空憐作賦才

### 新霽

曉起積陰散荒原極望時雲晴芳草合日上大江遲世事獨  
不見天涯有所思山中媿高臥得有外人知

八日卽事

去國又人日風光殊可憐江鴻迴凍雪沙竹淡春煙世事交  
遊淺鄉關戰伐偏病餘聊騁望無那惜華年

南雲震澤眺望

湖光千頃對斜曛隱見三洲望裏紛朔氣自蒸天目雨秋風  
不散洞庭雲橫琴坐嘯龍應下岸幘驚看酒半醺何日扁舟  
沙草外可知鷗鷺是吾羣

張氏樓高暮色深諸公間日暫登臨沙邊雁落依春渚雨外

龍歸帶夕陰湖海漫窮千里目干戈難寄百年心坐中誰是  
多愁客苦對東風作楚吟

辛籤卷二十八

五

九日言懷

九月九日意不愜杖藜扶病登高臺盈樽綠酒此時醉舊國  
黃花何處開金管玉簫激霜霰銅駝鐵鳳生莓苔望鄉不見  
遠天盡蕭瑟江山歸去來

旅夜

旅館淒淒清夜徂半生流落魄妻孥可憐戰伐多新鬼何處  
乾坤著腐儒砧杵萬家明月苦旌旗千嶂野雲孤帛書漫託  
南雲逝未信衡陽雁有無

久客

久客西陵道蕭條愁殺人梅花昨夜發山縣又逢春

復愁

不覺復愁

遺愁一何難復愁一何遽湘水杜若開欲采不得去

遇俠者

將市百金劍笑脫千金裘相逢無一語攜手上青樓

柴紹炳 四首

紹炳字虎臣仁和人諸生有青鳳軒集

毛際可西陵五君子傳虎臣博聞強記下筆輒數千言華亭陳子龍負重名為序其青鳳軒集以傳曰東南奇士也性純孝聞父卒於官號辦欲絕見者隕涕

里中兒以父答出亡虎臣向之流涕曰僕雖欲如受父小杖詎可得哉作遊子遇孤兒行示之其人感悔

自責

張清原蓉湖文集康熙己酉詔舉山林隱逸之士范中丞以先生應時已老病力辭乃己又謂刻其所著書則曰身隱焉文范嘆息而止

西陵十子詩選毛馳黃曰虎臣詩如連雲夏屋亡論

懷棟堅壯即枿梲備櫨都無細材田按虎臣以行誼重小詩卻自衒麗

辛籤卷二十八

六

喜陸大景宣歸河渚

征塗幾歲竭歸來庾信江南重可哀春雨草連村市沒曉風

花傍戰場開我思賣藥仍無地君定垂綸何處臺總是他鄉

成浪迹故人相見且銜杯

沈去矜見懷率爾奉酬

舊國離人賦轉工幾經搖落向秋風何堪芳草玉孫綠自惜

名花箇子紅去矜近習鑿簡子藥草也吳越江頭方逐鹿臨平湖上有冥

鴻於今每發相尋夢定在蒹葭白露中

江南絕句

春來百種花百花香癡小如花女百樣可憐妝

哭覺上人

即江字道蘭號夢破

水草開燈采不歸去

彩筆豪吟四十春誰知布衲老風塵江南花草渾閒夢不道  
文通是恨人

孫治

治字宇台仁和人諸生

西陵子子詩選毛馳黃曰宇台筆墨清拔停而不疏去初唐最近故五言佳境能挹武德之夷澹兼垂拱

可窻賈

之疑整

靜志居詩謂宇台刻意摹古窻質不佻

佩典清溪

徒倚清溪側徘徊高柳間鳥飛仍帖水雲吐復歸山野客荷

鋤立漁人擊楫還狂歌出塵表典盡掩柴關雨邊樹

請賢盛越絕才子本吳興大雅於斯振風流夙所稱賦成梁

苑雪詩詠玉壺冰上客從鉛槧佳人擁駢毼雄辭奪鮑照宮

體駕徐陵警枕盤龍錯玄亭白鳳升中原孰長弟下走豈曹

滕似子才無敵儵然帶不勝關河愁極望風雨夢相仍菊戀

陶彭澤鱸思張季鷹九歌虞太乙雙樹問高僧野徑尋芳草

扁舟賦采菱蒯緜唯一劍孤館對殘燈白玉誰爲剖青雲自

可凌賈生哀鵬鳥莊叟說飛鵬都是煙霞侶幽棲共百層

朱鶴齡

鶴齡字長孺吳江人諸生有愚菴小集十五卷

四庫總目鶴齡始專力於詞賦自顧炎武勛以本原之

學始研思經義於漢唐注疏皆能爬梳抉摘獨出心

裁故所作之章亦悉能典雅醇寔不蹈剽竊摹擬之

習其卹鄒衛三國禹貢三江震澤太湖潘冢漢源諸

韻語頗出入二家之間而寄興清遠能不自掩其神

辛籤卷二十八

韻與錢謙益爲同郡初亦以其詞場宿老頗與倡酬  
既而見其首鼠兩端居心反覆薄其爲人遂與之絕  
所作元裕之集後一篇稱裕之舉金進士愿官左司  
員外郎及金亡不仕隱居秀容詩文無一語指斥者  
裕之於元既足踐其土口茹其毛卽無反響之理非  
獨免咎亦諱當然乃今之訕辭詆語曾不少避若欲  
掩其失身之事以誑國人者非徒徒悖也其愚亦甚云  
云蓋隱指謙益輩而發尤可謂能知大義者矣  
靜志居詩話長篇說經鏗鏗長於箋疏之學所撰毛  
詩通義尙書坤傳禹貢箋注左傳日鈔發明宋儒集  
注集傳所未及顧不甚傳惟杜甫李商隱集注盛行  
於時松陵文獻稱其遺落世事晨夕一編行不識路  
塗坐不知寒暑人或謂之愚因以愚菴自號蓋寔錄  
也

### 春望

草色亂青縞春歸綺陌斜野煙生不斷古樹禿還花白鳥依  
漁艇青山帶酒家杖藜風日好憑底答韶華

### 過周安期山中故居

#### 辛籤卷二十八

八

霜葉重重合翠微石苔行迹尙依稀身逃谷口名仍在賦就  
甘泉世已非書帶漫隨寒燒盡薛帷俄逐水雲飛白蓮蒼舊  
多凋謝更與何人共釣磯

### 柳枝詞

十里紅亭嫋嫋春任他輕拂陌頭塵如今世路輕離別誰倩  
長條縮去人

### 秦淮花燭詩爲江右蕭孟昉作

合歡雲錦爛花蹊月扇銀燈隊隊齊今夕蘭房佳氣滿催晨  
不用汝南雞

### 顧夢游 五首

夢游字與治江甯人副使璵曾孫崇禎壬午歲貢生

有綠茂軒詩集八卷

四庫總目夢游與葛一龍邢昉諸人相倡和詩格皆近  
中晚施閏章序稱昉詩學勝才夢游詩才勝學亦二  
人之定評也

有學集與治筆墨妍雅晚年屢陷坎坷無子窮老以  
死施思山經紀其喪又屬其友方爾止網羅放失舊  
稿手自排纂刻而傳之

今世說姜子翥被難繫獄與治力營救不能出除夕  
遣甥梁爾礪同囚守歲久始得雪蓆田宋比玉與與

治善比玉沒與治走閩久以石表墓南州蘇子工  
古文夙與治鑄板行世武子有闕北平于武直好

奇結客遊秦淮死無恤者與治舍殮理喪又板其文  
傳司直石旣費考功筆山罷官貧分宅居之歿葬顧

氏塋旁始筆山令福清稿佚遠求得之行世又周旋  
釋刺公難幾株及剩公寂蒐其遺左雜詠存之其高

致類此  
寒山集曹公學佺選十二代詩士爭附以立名夢游

獨屬故舊遺草而不及已詩曹強發其笥得一帙刻  
之曰真詩也善行楷書如靜女高士閒逸可喜

周亮工賴古堂集與治詩清真絕俗別成一家讀者  
望而為高人介士之詩也

辛籤卷二十八

九

田按與治任俠有東漢人風好刻故人遺集其卒也  
愚山為之刻集施報不爽豈不信哉

歲暮寄慧公

寒山無客到破寺有僧存數折入松徑一籬開竹門耕牛閒

旱土野雀噪飢村託鉢應空返霜天煮蕨根

送邢孟貞還石臼

月當分手夜分外冷高秋蟲響坐來歇林風相與幽到家收

晚稻攜子上湖舟莫戀衙門好遲君上酒樓

徐昭法山房同姜如須楊明遠賦

未免塵中去其如惜別真得別能愈疾留客不知貧天地存

諸子兼葭老此人相逢惟痛飲往事莫沾巾

吳門別友二首

未是還家客船開亦當歸可憐衰柳路猶作斷蓬飛勝地宜  
遊展良朋待款扉霜天扶病去山水兩依依  
臨發更移寓多時住半塘清秋閒竹杖白日臥藤床茶費老  
僧供餐分高士糧累人非一事方晤久空囊

董說 十三首

說字若雨烏程人詩人遐周子崇禎諸生晚為僧名  
南潛字寶雲有人間可哀采杉落葉西臺病孔雀紅  
蕉登降臨蘭亭雒陽洞庭雨鬪韻牌畫石西荒洗藥

積雨夕香挂瓢拂煙等集

董氏詩粹豐草菴集十一編篇體驚奇後依靈巖繼  
起和尚引備出家詩亦脫落凡近變奇麗為清峻  
靜志居詩話若雨腹笥便便未免有才多之恨至其  
硬語澀體絕不循人方諸浩翁不足比於饒德操有

辛籤卷二十八

十

田按若雨遜迹空門未黜綺語觀其自序云我不能  
如世之詩珠聯漢魏璧合三唐也又不能如世之詩  
鬼言無蒂沈墮秋煙也取清於方外合社於漁樵遊  
夢於山經孤癖於香法可以得其意境矣

諸葛茶

玉壘愁雲鵬血紫花落幾迴洞鳳死惠陵草没石麒麟  
八陣圖空咽江水蕪菁一握雁門秋葛山打鼓祠武侯

西田謠壽王太常煙客

西田老人雙頰朱西田秀野天下無為聲西田看雲約十年  
不寄西田圖花連鹿柴辛夷香輞川流傳圖卷長古今相望  
詩畫絕輞川整暇西田荒山水由來貴荒逸高人雅會從真  
率西園對話挂西窗霜葉聲中看點筆

漫興

衣借空階葉葉縫杜鵑國裏買孤筇未能逸俗朝評帖一事  
如僧夜打鐘眼底三千年舊蹟夢中七十二青峯人間難著  
支離叟只合天台對古松

客有和竟字斜韻詩余用其韻

醉漁曬網監竿斜見鳴聲中暫寄家秋晚每租鄰舍艇日斜  
去看別村花沙瓶未賣留燒筍樵笠新縫備採茶碎石種成  
蒲九節好題齋勝作青霞

感懷

茅屋三間亂篠籬繡苔石落燕泥乾蠶眠初起桑園開茶價  
新高瓦鼎寒樵艇許分叉畫杖竹簾喚揀釣魚竿摘來姊妹

辛籤卷二十八

十一

花偏豔白髮愁看獨倚闌

菴居雜事

僮約新頒種樹科擬鐫花厯石新磨空堂鍊墨搗茶臼細雨  
借書披釣蓑書帶乍驚脚藥燕卦錢移買放生螺竹枝拗作  
池邊柵爲怕兒童摘早荷

書屋初成

九曲籬成自往還亂藤遮屋不須刪愁來草閣四窗雨夢裏  
江南萬疊山買艇劣容琴鶴共種松兼辦子孫閒一丸泥斷  
東偏路只遣清風夜扣關

住靈巖峰頂

家在松陵西復西樵船春放鷓鴣溪更生昔日元名向中散

先人舊姓奚峰繞石樓遊是夢眼空雲海物真齊藥爐茗椀  
生涯冷又盡禪房一甕齋

舟居遙和石樹上人

人韻大常陳大中辛微人詠詩

一任人猜米老舟莫教藤杖閣船頭筆從白鷺飛時點畫向  
青山影裏收小住不嫌尋釣侶移家明日換蘋洲臥遊寂寂  
終輪與落葉吟寒客未酬不似望突白雲莫苦吟詩到

咏香煙

秦樓曲斷夜偏長愁殺寒衣空自香最是篆煙知妾恨盤旋  
畫出九迴腸

題昭君圖

天寒抱馬出邊頭袖拂胡霜雲正愁空有幽魂託明月年年

辛籤卷二十八

七

長照漢宮秋

長照漢宮秋

西村雨來

大幅東絹著水墨雨在陽山箭缺西陣雲未到桔槔卸冷綠  
一堆雛鳥嘯

糊窗

幅幅凝霜照格裁樵堂飛不到塵埃白雲莫訝苦相拒清曉  
看山我自開

魏學泚

四首

魏學泚

學泚字子敬嘉善人贈太常卿大中子鄉人私諡孝  
列先生有苒簷集八卷

四庫總目學泚給事中大中長子大中忤聞被逮學泚  
微服變姓名匿定興鹿善繼家萬計營救不得柩歸

之後竟以毀卒世稱忠臣孝子萃於一門然學泐尚有老母而為無益之死或頗疑其過中今觀集中與潘茂莊書曰追比方始伊將就浙獄矣又辭里中父老書曰今公差來捉旦夕將死家門傾覆無復可言然則大中仍後所謂坐受楊鎬熊延弼賄三千三百兩者所司仍追呼於家學泐積憂積瘁乃無生理非真於後又重以闔黨之威虐數者交迫乃無生於大中禍之日竭力殫心蹈危履險出萬死以冀一生今誦其與人諸書至性惻怛足以感天地而動鬼神而錢士升等作序惟欲以隕身殉父稱之遂諱其追逮之事淺之乎知學泐矣

靜志居詩話魏忠節公被逮日天大雷電子敬獨跪攀號請隨行公語之曰覆巢豈有完卵父子並死無益也子敬乃微服縱騎後探起居抵國門邏卒四布乃變姓名匿都市營救不可得公既弊獄扶觀歸朝夕躡未嘗一入寢室淚盡脣焦家人捧水漿以進御之日吾父詔獄中孰夜半而進之漿者病且革進以藥則又卻之日吾父詔獄中孰診視而進之藥者悉數旬而哀毀死矣思陵卽朝土上聞於朝以是海內稱為孝子大學士同里錢公士升序其集云子敬之志父存則不獨死父死則不獨生是誠孝子之

辛籤卷二十八

三

知已矣當甲子秋忠節掌吏垣以激濁揚清為己任天下仰望太平子敬獨私憂之歎曰無根之草其能久乎物不可以終通天殆蘊隆正人之毒而速之感也未暮而禍作人服其識  
橋李詩繫子敬詩近古淡一派時而詭異又似錦囊中物  
錢佳魏塘詩陳子敬有至性入歲就外傳墮橋折足瀕死不作呻吟聲猶臥吟陶詩以慰親意弱冠才氣風發詩文落紙為名流所推

龐德公

龐翁襄陽人不識襄陽縣躬耕有餘暇支頤玩時變鹿門濠春風吹落桃花片區區一角天兒輩已足辦

茅檐雜詩二首

獨坐不知夕時聞樓鳥鳴閒情懷應物淡語憶淵明近借鄰家棹前移柳下曾道逢田父返相話荳花棚

孰謂貧多暇箋詩更解玄業隨當代後癡到古人前瓶滿陶  
潛粟囊餘杜甫錢願奢誰過此老我只丹鉛

秋興

一夕西風到畫欄芙蓉消瘦不禁寒身無同調人應笑坐有  
新詩眼倦看逐伴未能忘褊裊閉門聊自愛衣冠晚來斗酒  
長吟處月下天高白露溥

湯傳楹

四首

傳楹字子輔更字卿謀吳人諸生有湘中草六卷

田按卿謀早擅才華詩多綺語亦有雋語惜年僅二

十五而天未見其止

臥雨有懷次展成韻

遠漏沈於夢溼螢墜不流氣涼初著枕光澹卽生秋竹雨彈

辛籤卷二十八

四

虛壁溪雲照小樓客心無可寐清思上簾鉤

曉望

光景雜然出因知人境閒初煙濛獨樹宿雨互前山搔首愁  
無際吟魂澹不還江南清曉處幾疊畫屏間

荒寺

蕭條畫堵閉寒塘寺額模糊失漢唐廡曲山魃時弔月歲凶  
野老不焚香蒿萊蔓引談經坐烏鼠縱橫選佛場金梵已隨  
煙火盡一僧捫蝨立斜陽

新婚

日影和煙上畫廊雙鬟怕立整羅裳傳來絮語欺鸚鵡睡足  
脂痕暈海棠扣領含羞留待東寧帷匿笑不成粧守宮的

爭衾豔未許人前理繡床

繆永謀 十二首

永謀字天自更名泳字于野又字潛初亦曰一潛嘉

興人諸生有荇籟集

靜志居詩話天自韶年深憇公安景陵流派一以蕭統徐陵所選及左克明郭茂倩之書規模傳習及周

覽四方風氣雖殊終不改性可謂有君子之守者梅里詩輯天自詩寓感慨於和平寄高華於激壯風

格與雲間陳臥子相近田按天自諸體俱工七絕尤有丰韻

築隄謠

朝築隄暮築隄築隄何辛苦天雨三月漂我田廬什四五縣

官徵役夫役夫無家室但宿隄下土朝行荷鍤暮行乞食乞

食路傍人飢來不得力前年築隄隄未立今年塞河河更急

辛籤卷二十八

壺

洪園竹木下已盡柳條無枝伐不息明年隄成多種樹為作

官家騎馬路夫無家室田畝不才隄口荷鍤

芳樹不知名婆娑樹下行應憐美人意為傍玉階生綺戶春

風滿高樓日暮情年華猶未晚搖落使心驚

擬古詩

盛年不再得志氣無窮期今日不為樂來日安可知為樂將

奈何去日常苦多中流載簫鼓一醉朱顏醜倦人如不死何

不來相過天自更合氣字牛理又字潛初亦曰一

金陵篇奉寄外舅王翁

四坐皆清聽聽我歌金陵金陵天府國都邑自相承龍盤虎

踞雄江左畫閣連雲接青瑣重門大道七香車桂檝蘭窗九  
微火渡江名族舊繁華共羨王家嘒謝家十二珠樓萬年樹  
三千繡戶滿庭花當年尙憶曾遊處幾歲移家洞庭去今年  
復事金陵遊南鄰北里相淹留秋風不識烏衣巷明月斜臨  
白鷺洲雄心慷慨應如昨擊筑高歌重然諾囊中不惜沽酒  
錢天涯且就金陵約平生自媿郗公親吳苑棲遲三十春窮  
途意氣無所惜寸心感激誰能陳卽今搖落江村暮舊恩遠  
憶金陵樹一望金陵思渺然石頭城北五湖邊何時滿酌金  
陵酒更醉高堂紅燭前

上巳前一日遊支硎山

地迴羣山接支硎人望來昔人今不見迹遺自荒苔曲水迴

辛籤卷二十八

六

香閣長松拂講臺更貪風日美花下早流杯

諸將

大將仍兼五等崇橫戈躍馬舊稱雄風塵關塞三千里倚仗  
安危六七公西楚包茅今不貢東方梓柚久應空山河帶礪

虛盟善麟閣何人第一功

越中感懷

會稽南幸越王宮舊國山川尙禹功千里旌旗橫海上一時  
豪傑數江東龍沙日下荒城閉雉尾雲移玉殿空遙想巡遊  
多歲月樓船寂寞起秋風

鴛鴦湖

南浦秋風長綠蘋湖光一色淨無塵鴛鴦入荷花去唱徹

菱歌不見人  
水白雲自去來山草綠

傾脂湖  
論其湖湖湖土山露

紅粉青娥夜洗妝  
臙脂落盡御溝香  
至今流水空宮裏  
猶送飛花出苑牆

見月

夜月清輝照水白雲自去來

北風吹後海雲寒  
城上樓烏繞樹難  
今夜關山有明月  
一時秋思滿長安

春思

日日離空天

樓前楊柳數行斜  
樓上美人愁落花  
燕子不知春已暮  
銜花將去入誰家

登舟

辛籤卷二十八

辛籤卷二十八

七

石城春色過江灘  
七里洲前夜未闌  
一笑登舟望明月  
回頭不見小長干

胡山

胡山半一

山初名日新  
字天岫  
宜興人諸生  
僑居海鹽  
徒嘉興

有詩汀寓廬東武諸稿

梅里詩輯詩汀詩起邁清空傲昂蕭瑟五律尤勝

田按

天岫讀藥梅里隱處布闌古詩雅俟煙雨樓一篇聲情綿邈有猿吟鶴唳之音五律亦自清婉

秦山懷古

秦皇奮威陽六合  
縱虎視雄若萬馬  
馳羣英直犬豕  
滄海何足夷  
猛氣壓倫比嵯峨  
海上山矗峙  
波濤裏左輦  
宮中人前驅  
挾飛矢  
東望御蓬萊  
西顧渺弱水  
白雲自去來  
仙草紛若

芷徐福招未歸沙邱腐天子

古詩

長生希大藥入山炊丹霞呼吸龍與虎黃金化泥沙服之壽  
天地顏色如舜華燭火易以滅遠行易以歇上土澹無爲珠  
光抱明月

詠懷二首

雲從西山來宿我崖下屋高松夾修篁絕壁瀉飛瀑抱膝謠  
鳳凰清音激空谷抗手招仙人雲中下白鹿  
秦王尙狙詐策士紛鬪東時無龍虎士遂令雞狗雄朝橫暮  
復縱嬉戲如兒童酒死信陵六國生蒿蓬萬古一片月清  
光流絲桐

烟雨樓

辛籤卷二十八

六

烟雨樓頭夕照多烟雨樓空可奈何烟雨消雨歇樓何處只有  
鴛鴦泛碧波鴛鴦湖水波千尺鴛鴦湖上曾相識綺羅城郭  
錦江山桃李容華玉顏色惟將歌舞送東風若個妖嬈冠南  
國憶昨承平隆萬年滄海無波弓絕絃奇琛四出中貂使仙  
鹿時騰幕府賤十里滌湖通笠澤幾灣語水下由拳裴住宅  
畔塞芳芷陸贄橋南鬪采蓮水上軒窗微隔雨波心欄楯巧  
疏烟太守便爲游狎長豪家不惜粉脂錢當湖公子藏輕俠  
不逞探丸聚肘篋風角妖人指異星重瞳秀士驕長鬣盡道  
封侯骨相成那知滅族門誅涉酒後狂圖隱語書幾乎血濺  
南湖梅春草春花春復秋湖上女兒紅黛愁金陵薛五茸城

柳洗盡臙脂此地遊名士傾城爭一笑詞人公讌滿高樓聯  
吟共宿芙蓉艦灑酒重臨杜若洲片紙初題嗟妙手千金立  
贈當纏頭花枝不炤買臣墓螺子偏遶范蠡舟獨有賢豪負  
時彥七省五侯交託徧遙持啟事致山公共羨人倫歸水鑑  
白馬橫馱輦下金黃蛇暗掣空中線轉向回天咳唾間翻雲  
覆雨須臾變卿相趨朝盡過門監司侯宅稀留燕當樓選勝  
闌名園隔水開林起歌院妖童姿首似鴉頭小婢教歌皆粉  
面舞衫歌扇滿房櫳子弟聚園侍羞饌畫橈齊放水中央湖  
舫留賓百戲張冠玉參軍低綠幘明珠角伎賽紅妝目成色  
授潛留佩怨粉愁香悵隔牆勢去朱門惟墜吻邸封青岸有  
垂楊孤兒亡亡命移名氏豪葬歸魂送夕陽乾坤龍戰烽烟起

辛籤卷二十八

九

萬騎南征渡江水俄頃降幡上石頭忽見義旗橫橋李詞臣  
珥筆說孫吳省郎仗劍開營壘鶴湖鵝湖同濟師平江吳江  
各傳矢可憐一夕響鳴笳十萬義師血劄豕繡旗半折冷仙  
祠雕戈虛插桃花里烈燹高燒萬井空雨散烟飛巨礮中迴  
廊曲檻祇聚礫畫棟重檐付祝融當時倚閣人誰在唯見荒  
臺月色同

臺月色同

酬朱八遠

城樓高望極萬騎蹴雲來愁易驅人老懷難逐凍開庭梅看

欲動成鼓聽仍哀拌醉今宵酒爐中火未灰

月夜憶舍弟

萬里同明月離人只獨看故園烏鵲樹吟望不知寒坐使芳

草滿孰憐遊子單夢魂頗見汝努力勸加餐

登山

野水兼天闊浮雲共鳥飛連峯七十二何處是漁磯深樹聞  
清磬孤帆帶落暉寒塘秋草外不見一人歸

暮春卽事

春暮過橫塘風吹桃李香明霞浮曲水小艇下斜陽樓上聞  
歌罷鱸頭索酒賞胡姬年十五纖手理新妝

聞笛

夜半客欹枕月明人倚樓梅花吹數弄野戍迴含愁曲豔知  
紅袖音淒易白頭深閨有盧女應自不禁秋

得舍妹手書

辛籤卷二十八

三

寒流孤嶼外夜雨一燈深不寐渾無計開書淚滿襟浮雲江  
上意游子故園心戀戀真傷汝淒然起越吟

韓洽 十首

洽字君望長洲人有寄菴詩存

靜志居詩話崇禎之際言詩於吳下吾必以君望爲  
巨擘焉匪特高節軼羣也所撰家學測解釋訓考源  
足證說文長箋之誤  
田按君望詩質懇而有真意乃知高蹈之士不尙浮  
藻

言懷

梁鴻古高士質春復牧豕馬援大將才田畜就邊鄙管甯鋤  
菜畦遺金曾不視龐公隴畝間釋耕對妻子遐哉漢人風去  
古似猶邇不知澆訛俗乃自何代始或曰自晉朝清談廢實

理勤恪謂俗人虛無則名士廉恥日益喪爭奪日益起于今  
千百年斯風將何底信矣王何罪桀紂不足比

雜詩

海水爲平陸泥沙困巨鯨世無堯舜主稷契老躬耕嘆彼秋  
蓬弱隨風萬里征西施何必美亡國乃傳名

岳墳

高樓三面青山立山人愛山揖山入一時相對忘主賓佳樹  
佳花成翕集青山斷處是湖光風濤萬頃遙相望高帆白鳥  
互明沒別作平臺對秋月山人愛山兼愛文壁間題詠紛煙  
雲我來一揖不相拒知余亦是青山侶

岳墳

辛籤卷二十八

三

斧斤日出錢塘門冢上松楸無復存馬鬣荒涼獨體泣子孫  
飲恨徒聲吞栖霞嶺畔南枝墓犯者倉皇輒僵仆健兒相戒  
莫敢窺蒼翠森然獨如故武穆英靈性自殊嗟哉所見太區  
區趙家社稷今安在卻愛墳前樹數株

題李龍眠諸夷職貢圖

有唐貞觀萬國甯殊方異域皆來庭立本爲圖擬王會詭形  
怪狀流丹青龍眠居士生有宋未必諸蕃真入貢得毋舊本  
重臨摹左食貫胸聊玩弄元豐天子承平日君臣競講強兵  
術不知中國正凋殘馳想海邦兼日出貢葵西旅四夷賓作  
訓猶煩保傅臣爲問伯時圖作貢何如鄭俠繪流民

贈冲上人

已悟三生幻因于萬事慵遙聞傳法處空翠隔雲松洗鉢緣  
清澗開門揖遠峯孤蹤自林壑未許俗人逢

箭關

一望秦餘頂天然箭筈形卻疑渾翠壁誰與鑿青冥帝力營  
雙闕神功役五丁憶曾盤鳥道捫薜立雲屏

關山月

曉角數聲哀邊風捲地來十年征戍客不上望鄉臺

昭君

漢主何煩責畫師畫師曾可定妍媸深宮多少如花女不嫁  
單于君不知

野泊

辛籤卷二十八

三

溪上人家水鳥飛桃花一簇近漁磯長年打酒纜船去獨坐  
篷窗看薜衣

吳騏十首

騏字日于松江華亭人崇禎諸生有頗領集

靜志居詩話日千力崇正始其詩沈厚不佻  
明三十家詩選日千幼有神童之目讀書過目成誦  
創甚杜門奉侍明亡絕意進取自號九峯遺兵傷左臂  
中同里某分修明史日千貽之書畧日知執事撰先  
朝景帝本紀景帝功在社稷當時實錄取媚英廟極  
其訾謗夫景帝雖藩支然以高帝視之此安我宗廟  
者也仰維濬發幽光不勝翹企又先達張慎齋名祚  
於殺戮而慎齋多方營解全活甚眾今縱不得立傳  
或於襄毅傳中畧附數語幸為留意督師袁崇煥坐  
叛逆受極刑當時不知其說所從來後讀范文肅公  
行狀始知崇煥之死乃文肅之反間也陳平之勳已  
彰於六出亞父之枉宜白於九京相國錢謙益以逆

案一書成於其手奸黨銜之刺骨坐與崇煥同叛擬  
大辟思陵云謂龍錫爲叛必不其然思陵之明不可  
沒也其表揚潛德如此頗領集詩於蒼涼古直之中  
極沈鬱頓挫之致蓋親炙大樽而不盡沿其派者  
田按日千詩音節抗亮與陳黃門李舒章結社厥後  
黃門殉國舒章仕本朝日千悼黃門詩云寒食東  
風草樹稠富林夙昔想同遊酒杯盡永花臨戶論易  
宵分月上樓四海無人藏復壁千秋遺恨託江流生  
芻麥飯俱寥寂落日荒原哭太邱又書李舒章詩後  
云胡笳曲就聲多怨破鏡詩成意自慙庾信文章真  
健筆可憐江北望江南可稱詩史

### 烏棲曲

丹霞初散明蟾吐採蘭歌發芙蓉浦羅衣玉腕自操舟那能  
相遇不同遊

### 釣竿

濁水魚肥清水魚鮮淺水釣易深水釣難義不向濁水古人

### 辛籤卷二十八

三

曾有言理我百丈絲持我青琅玕釣得潭中魚停綸起長嘆  
得魚誠本懷釜魚心悲酸縱爾江湖去騰雲上九天

### 屛水歌

東南風急大麥枯秧田夜鳴蛭蛤鄰農相約共屛水未及  
四鼓來喧呼河港淺隘潮信小待得天曉水已無披衣躡屨  
急趨出岬啞遠近聞轆轤明星滿天爭唱歌腳根騰踏忘勤  
劬東方漸明日欲出白榆樹上嘸慈烏歸來饑倦汗濡縷瓦  
盞麥粥甜如乳埽場曬麥日欲午旋割蘆芽餵童牯木綿衣  
衫著不得無錢買褐空嘆息

### 輓呂雁仙母吳氏二首

早歲失君子冰霜三十年寒燈背風雨塵土滿釵鈿九廟今

安在餘生敢自憐  
殷勤囑陶侃努力向幽燕

社稷有今日諸公將謂何  
自慙弱女子無力障狂波  
窳歸何恨衣冠事尙多  
淮南四大帥幾日渡黃河

春感二首

自有東風動暮寒  
更無遲日到欄干  
震雷朔雪相兼至  
岸柳江梅次第殘  
慟哭虛傳河右表  
謳吟猶望鄜南壇  
山川風景今何似  
獨上高樓極目看

漢皇陵寢鍾山上  
珪瓚年年事祝釐  
永夜羣靈朝虎帳  
有時陰晦見龍旗  
青桐溜雨千章木  
碧瓦含風百尺基  
七載不窺松柏路  
夢中瞻拜重淒其

漢昭烈

辛籤卷二十八

五

名儒盧鄭久周旋  
正值黃星受命年  
蛇劍已移三統歷  
蠶叢還闢半隅天  
金甌付託耕莘佐  
玉几彌留顧命篇  
一代英雄生死際  
銅臺遺令最堪憐

寄懷金天石

故人落寞依江海  
遠賦新詩慰寂寥  
天下幾人能隱遯  
漢家九鼎賴漁樵  
煙疏檜柏停春雨  
水黑蛟龍起暮潮  
憶爾臨風空伫立  
綠楊飛絮滿河橋

題畫蘭

幽蘭雖芬芳  
靈均自憔悴  
三戶寂無人  
託根在何地

毛晉二首

晉初名鳳苞  
字子晉  
常熟人

吳偉業梅村集丁亥季秋因訪楓林扁舟過子晉齋  
頭留宿汲古閣牙籤萬軸較勒精良又多趙宋舊本  
使人讀之如桃源衣冠非復今製顧麟士同而坐相  
與嘆息以為子晉嗜古篤學結習編纂雖歐公之於  
金石刻王舜卿之於書畫不是過也  
馮班鈍吟文稿吾友毛君子晉多聞而好事藏書數  
萬卷詩人之至虞邑者以隱湖為歸詩筒緘寄遠屆  
蠻微車馬過從文酒之讌未嘗曠旬虛日座間孳箋  
長篇險韻四應不疲  
陳瑚確菴集子晉家隱湖之上續學多聞性好客容  
至則翦韭烹葵欣然命酌出其藏書數萬與容賞奇  
文析疑義做古人月泉吟社玉山草堂之遺風酒酣  
耳熱分韻賦詩家有剗刷良匠朝落紙而夕上版矣  
田按子晉嘗輯明詩紀事未見傳本汲古閣刻書甚  
夥此後如通志堂士禮居知不足齋借月山房守山  
閣別下齋皆聞風繼起者也

十八日曉霽登塔

快雪交春燈午夜光了了登陟興方劇未旦神光曉竦身上  
浮屠輕疾如飛身插江碧玉城一朵芙蓉小

辛籤卷二十八

看梅和高季迪韻

一入香林便隔塵峯頭升眺更撩人波光嵐翠無餘地冷韻  
孤標別有春日煖若教開漸漸風微那忍落頻頻華光今日  
知誰繼聊借題詩當寫真

曾燦十一首

燦初名傳燦字青藜甯都人有止山集六卷

有學集青藜詩晤言十之永嘆五之其思則黍離麥  
秀也其志則天問卜居也  
魏叔子集止山為人愿樸沈摯少負才華以風流相  
尚為詩工美多豔及遭世變詩日趨於老樸  
詩觀初集青藜躬耕讀書禮期高逸  
田按國初選家王阮亭有感舊集陳其年有篋衍  
集錢牧齋有吾炙集葉初菴有獨賞集鄧孝威有詩  
觀陳伯璣有詩慰曾青藜有過日集過日雖不及感  
舊篋衍之精然搜採宏博余此集勝朝逸民詩實得  
之過日為多

賦鵬憂賈生懷沙沈屈子古來放逐臣傷心在湘水我獨何  
為者崎嶇亦到此朝看落葉飛暮聽秋風起離憂日日生不  
知何所始昔人曾有言山水多窮士

靈巖喜遇三輪上人

天地皆殘夢江湖少故人十年家國淚萬死水雲身

三輪昔曾與楊

萬諸公守韻藉草聊為坐看山可當鄰還將瓢笠意辛苦問靈均

同姜奉世舟次送春各成二律

綠樹千村暗清谿一水長孤舟從此去十里即橫塘山鷓催  
寒雨林鴉噪夕陽與君歸秉燭共坐惜春光  
但覺花飛了安知又送春百年三萬日四海一孤身閱世憑

辛籤卷二十八

美

憂患全生愛賤貧歲華流水去催盡白頭人

西竺寺苦雨

何代黃金寺人來地覺偏苔露高礎溼花委小池鮮古屋生  
雲霧春江走歲年似從巴峽住日日聽呢鶯

將立春同李咸齋彭中叔散步眺望

羣動各有息茲遊成我閒草知深淺處春到有無間寒石自  
流水夕陽多遠山離離林下屋時見鳥飛還

恭謁金龍王廟

王姓謝名緒宋末以諸生死難誓曰黃河倒流即吾報仇之日

下拜遺宮此布袍觚稜斜日動旌旄山川何事多新壘舟楫  
依然轉舊漕萬里魚龍南去盡初秋星斗北來高茫茫千尺

黃河水不見當年起怒濤

送劉毅可歸江南

芳草萋萋已暮春相逢喜在贛江濱  
吾生只合烏鄉老世事還同白髮新  
烏路千山紫落照鶯花三月送歸人  
故交相見如相問為道曾生今更貧

甲寅夏五雨中懷吳伯成明府

榴花初放綠陰齊宿雨沈綿沒路蹊  
溪水亂流城郭裏雲峯時擁縣樓西  
遙知愛客嘗投轄每借看山一命題  
幾度欲來尋舊侶闔閭城上亂烏啼

平山堂弔古二首

爽氣四來積翠寒金陵千嶂見龍蟠  
君王只愛聽歌舞碧水丹山不肯看

辛籤卷二十八

七

荒堆古路散斜陽見說宮人葬蜀岡  
芳草不知春去久西風猶帶綺羅香

胡介七首

介初名士登字彥遠錢塘人諸生有旅堂詩集

梅村集余遇詩人胡彥遠於長安每酒酣詭客曰吾家在武林之河渚轡迴澗復人迹罕至煙汀霧樹視之既盡杳若萬里彥遠自居山久一旦來京師覩秃尾驢朝便而行泥淖中鬱鬱不得意發病思歸他日有棄家變名橫山河洛之間莫知其處者其必彥遠也夫

漁洋詩話胡彥遠布衣食貧而妻與女皆能詩順治中遊京師送人南歸云帆檣楚國羣鳥晚橘柚吳天一雁晴

靜志居詩話彥遠與室人翁少君門內唱酬晚逃于禪年未五十而卒其詩不屑效西陵派謂吾盡吾意免俗而可矣

今世說胡彥遠高自棲託神理雋邁嘗隱河濱近止城北芳樹池塘環接戶外諸駿男過談彌日歸語入

日嘗謂永興南穴汲郡北山緬逸不謂近咫尺  
田按彥遠以詩遊長安貴人間吳梅村有詩贈之云  
雖入王侯門不受公卿舉萬年少贈詩云河洛經營  
把釣綸乾坤草莽一開身南陽高臥真名士東漢餘  
生舊黨人十載荃蘅同入夢三冬冰雪獨傷神荷鉏  
歸去田廬閉莫向人間學柏舟婦一家河洛棲梅花  
帶左右入林恐不密數峯當戶守內子亦苦吟研山  
間井臼置君神仙中無迺圖畫醜此語今十年夢魂  
未嘗負莫帶長安塵輕點溪頭酒皆有招隱之意彥  
遠既歸晚逃於禪蓋已爲竹垞所許矣故錄入此集

感懷

庭鶴不自得步影心悠悠本是雲霄姿馴人耳目求餉我一  
握粟令我失滄洲歛翮發清嘯寄聲謝同儔清苦有餘樂行  
矣毋自讐

發邗上寄邱四宋丈兼傷萬年少之逝

辛籤卷二十八

天

二月下蕪城桃花春水明新楊喧浴馬廢苑寂啼鶯郊外無  
軍壘人間賴友生存亡兼契濶悲喜總傷情

寄龔野遺

一葉落高木草堂秋自生故人已千里明月欲三更憂患存  
終古饑寒見老成霜清憐永夜回首望蕪城

吳梅村被徵入都

幕府徵書日夜催宮開碣石待君來歸心更度桑乾水仗櫪  
重登郭隗臺花萼春迴新侍從風雲氣隱舊蓬萊暮年詩賦

江關重輪卻城南十里梅

訪陸冰修不遇宿豫濟寺明日題壁而去

鹿門人遠枉招尋還宿谿南祇樹林暫與僧閒初定夜自傷

我負舊來心長河日落魚龍晚古殿燈昏風雨深雞唱可憐  
衝曉去參橫月沒一長吟

建州酬龔中丞芝麓

薄遊戰地歸何晚此日初還南建州  
兩外孤帆傷久客月中雙笛憶前遊  
浮沈雅合金門隱偃息偏逢鐵甕秋  
傳得新詩盈瘡海一時風雅盛曹劉

康山謁忠臣廟

康山無恙太湖濱廟貌忠臣廡  
食新官渡夜濤驚隔代老松古殿暗  
經春支離天地常爲客慘澹風雲各有  
人躑躅荒庭銅狄恨羣公應有淚霑巾

邱世望十首

辛籤卷二十八

元

世望字當世武陵人諸生有江籬館詩三卷

沅湘耆舊集龍太常稱當世詩力挽波靡根柢性靈田拔楚詩多爲竟陵所染彌望榛棘刺目當世詩特清俊如亭亭新荷不染污泥

夏日池上作

幽居傍城僻環宅美漣漪高柳垂長條  
深夏益離披小屋踰池上坐與清輝宜  
涉境意已佳稍深情轉怡息機遊渾沌把  
卷搜神奇隱几忽嗒然此樂心獨知彭澤  
千載遙高風邈難期吾亦慕寥廓斯人良足師

輓鍾伯敬

負才不在大精詣乃成家君詩貴清冷  
往往棄春葩叔寶妙立言惠施徒五車  
仕宦豈不達所悲生有涯千秋名士籍展

卷動咨嗟

春初雨後看梅花

春煙散朝綠石溜洗蒼苔徑僻鳥逾寂林疏梅正開壓牆殘  
雪映趁雨冷香來恍泛瓊漿飲何須更舉杯

暮雨

暮雨一何急殘花風更摧病餘思斷酒愁至轉銜杯羽檄飛  
城郭徵求罄草萊那堪聞野哭慘慘暗雲隈

夏日德山

性與空山狎來偏深夏宜幽蹤尋壑遠孤賞戀松遲竹露晴  
猶滴曇香靜自知坐沈煙外磬新月照來欵

陳衡靈自欽海還攜酒過集

辛籤卷二十八

三

小隊衡門枉芳尊海國移故情添酒冷老興發春遲保障饒  
公等江湖足鬢絲不嫌疏簡煩頗許細論詩

得伯孔書聞將過大梁有寄

秋深彌憶子搖落更何之俗薄無交道書來有夢思閣雲寒  
自溼江月晚相宜欲問狂夫態青編坐日遲

送汪遺民南歸

執手河干客緒紛涕袍霜冷悵離羣天風吹下衡陽雁鄉思  
先飛海國雲入賦詞人驚盛藻過湖龍女乞靈文桃花遲爾

春來棹頭唱靡蕪爲憶君

九月八日

茅堂寂歷瑣秋陰涼吹蕭蕭動夕林綠酒偏於時節好黃花

難向雨中尋登臺何客同明日搔首高天且獨吟世事驚心  
凋短髮不教狂態費朋儔

輓龍隱公先生

二十登壇四海聞新都吳郡許空羣方瞻帝幄咨元老忽悼  
詞林失冠軍暝入荒村棲定鳥霜寒野水澹斜曛平生一柳  
西州淚灑向南天并作雲

蔣之棻

之棻字天植湘陰人有江聲二集四如小草

沅江耆舊集天植幼善屬文有羅江才子之目蔡江門先生尤重之與同郡趙友沂郭幼隗齊名性豪邁喜結納與遊皆當世賢豪處亂世汲汲以澄清天下爲己任甲申後崎嶇戎馬以勞卒於粵田按天植詩豪宕自喜有拔劍悲歌之氣

辛籤卷二十八

五

善哉行

去日莫論來日大難憂心可藏髮白難刪一河大多水山大

多雲周王多道列戟射君二柳季掩戶釁出中堂福來千里

禍起蕭牆三斗有美酒盍有肥羊君子豫悅小人猖狂四黃

鸞知春鴻雁知秋時過不返水去難收五蜀犬吠日吳牛喘

月少見多怪嵇公眼白六食梅苦酸衣葛苦寒不可告人徒

傷肺肝七

懷王山長

記得尊前約重門深數過每逢落葉處無奈斷腸何山意隨  
松古秋聲入雨多衡陽雁迹杳回首趁蒼波

飲郭幼隗山莊

春水盈盈起綠蘋一尊移話共南鄰人間欲殺狂爲累世外  
相知貧是因野叟密談分菽粟素心間伴數昏晨銜杯張目  
看天地判與連觴挾十旬

送青原無可和尚

萬緣收拾上蒲團春夢如今興半殘清淨莫留文字幃禪空  
悔冒宰官餐容僧便覺天恩大出頂方知佛法寬嶺表煙深  
難住錫好攜明月到湘干

江南行二首

江南年少酒家過下馬傾尊索酒多寶劍脫來隨意贈揮鞭  
長嘯指天河

江南女兒貌如花手勻輕黛新月斜千乘萬騎盡回首不知

心事託誰家

辛籤卷二十八

三

韓純玉 三首

純玉字子蘧歸安人修撰敬子有蘧廬詩集

四庫總目純玉父敬以黨附湯賓尹見擯於時純玉以  
是抱憾終身不求仕進其行蹤畧具所作蘧廬詩自  
序及集中癸丑五十五生朝示吳詩中  
靜志居詩話中吳韓君望西吳韓子蘧皆輯明一代  
之詩君望曰詩存子蘧曰詩兼惜其書均未布通都  
二子先後奄逝其家人故友不復肯出恐終歸覆醬  
而已

田按子蘧明詩兼序云有明一代之詩比美三唐俯  
視宋元洪永景運初開犁眉遠邁燕許海叟追蹤少  
陵高揚張徐不讓王楊盧駱林藍曾許可希王孟高  
岑景泰流而爲纖麗成化疏而爲清越北地信陽合  
七子以前歷下婁東合七子以後腫事增華守而勿  
化竟陵陶汰過當而溺於幽涼雲間欲還正始而近  
乎郭廓各殊其趣各持其見學者又各歸其說操一  
格以繩天下必欲人面如我面強我樂爲子樂詭言  
歌獻異口同聲而始稱入數是則優孟衣冠長存千

古新豐宮室徧列九垓矣他如石倉濫登庸尤莫辨  
淄澠虞山廣辯譏評徧揭曹郁一失之寬一傷於歧  
其爲病也又與固執等余博蒐約採或繁或簡或平  
或奇或莊或逸或淡或濃要皆各因其質各達其情  
各極其趣而後愉快從前諸家之偏心局識悉舉而  
銷鎔之子蘧之論如此惜不得其選本而覈之也

### 過姚十四莊居

路從芳草入門向遠山開種樹交青靄攜尊藉碧苔河魚逆  
水上海燕掠風回更欲留深坐重闔暮色催

### 鄧尉山遇徐昭法卽別愴然有懷

吳趨間隔三百里離亂相兼十二年此日弟兄仍一面曩時  
師友半重泉同依慧日爲禪侶忽遣樵風送客還無限斷魂  
收不盡長松習習寺門前

天入乙酉秋日同獻兒寓慧雲寺

### 辛籤卷二十八

三

先人題額依然在彈指於今六十年攜子重來我又老逢僧  
暫住客如前參天竹樹沿階長滿地菱蕪入饌鮮圓澤不須  
頻問訊三生好話舊因緣

吳興周篋九首

### 篋篋初名筠字青士別字簞谷嘉興人有采山堂集二

水士詩十四卷

韻發

靜志居詩話青士遭亂棄舉子業受屢賈米有括故  
家遺書連船鬻於市者買得一船積樓下每日交易  
篋篋斗斛權衡堆滿肆讀之疎矜中其爲詩句敦字

琢不輕襲前人片語胸無柴棘急人患難視朋友如  
一身人或忘大德而思小怨者不以實諸懷也晚年

詩趨率易好與浮屠道士遊題詠極多嘗醉書云似  
士不游庠似農曾讀書似工不操作似商謝奔趨立  
言頗突兀應事遺餽疏飢寒不少顧吟詩作歡娛可

當一幅寫照也  
梅里詩輯青士詩篇清超樸淡五言尤勝

田拔青土與竹垞為素交竹垞表其墓仿柳子厚獨  
孤申叔墓碣書故友姓名於後者九人王翬介人范  
路適甫朱一是近修王坊子明沈進山子李麟友振  
公朱舜鑿千里楷標霞建周篁林於九人者皆能詩  
以介人為優

秋夜懷李天穀

夜半落寒露微風颯然起湖光不知夜秋明荻苗水河漢繁  
星飛一月靜如止煙樹傷遠懷伊人渺千里

夜眺

中夜松徑黑不知山月高淒風動林木萬竅皆怒號宛如泛  
孤舟危坐驚波濤溼螢墮遠水野鶴鳴寒臯人生亦何常哀  
樂隨所遭長歌望河漢何以解鬱陶

渡漢塘

辛籤卷二十八

五

孤舟出新豐初涉漢塘水日落秋氣生水曠寒煙起返照漾  
菰蒲微風蕩蘅芷征帆去悠悠我心渺何已

宿揖山樓

偶為寂寞遊遂得高寒境天浮長泖闊雲落橫峯冷出林鐘  
磬聲繞檻星河影弱喪未知歸吾衰當猛省

舟行

紫藤纏樹懸野香清溪歷歷澄幽光櫂聲初撥裂雲色菱絲  
苕帶吹煙長遠山微茫銜半影溼風不落空濛冷枯篷短楫  
憑空行一葉虛浮去俄頃高林飄沓雨滴衣天驚石泣鳥不  
飛攫人突兀老松怒山精窳窳相因依寒陰初散孤蟾起鄉  
園擁隔悲千里驚湍泪沒魚龍哀風吹露下如秋水

西溪夜歸簡一潛

黃昏過虎溪相逢石門西風聲隔林斷漁燈入浦迷天空月皎皎草白霜淒淒不見巾車客行歌空杖藜

庚子春吳門陳漢公過五里追哭王山人翊時山人沒八年矣爲感

河流渡口渾有客自吳門言訪山陽舊重過栗里村琴臺春草合隴樹夕陰昏旅舍應無寐何由感夢魂

指月精舍夜坐有懷吳四讓木

落日精廬過客稀涼風祇樹暝煙微檐端星自雲中出竹裏禽從水面歸自愛清談揮麈尾不妨狂醉解絺衣牆東便是吳筠宅欲刺扁舟夜叩扉

辛籤卷二十八

送別

蒼江日落晚風清送子南雲萬里征待唱陽關舊時曲河橋柳色不勝情

魏允枏 三首

允枏字交讓嘉善人忠節公大中孫孝子學泚子廕

橋李詩繫交讓甲申後高蹈不出柳洲詩學之盛奉

爲主盟田按忠節被逮過吳門周忠介慰之舟中以女許字其孫卽交讓也

吳仲珪墓下

咸淳之末宋事非諸陵毀塌魂無依玉匣珠襦啟幽寢古人白骨將安歸橡林處士有遺墓白署沙門植梅樹虛塚不似

祁連山殘碑尙立青松路蹂躪曾無樵牧過斧斤自遠匠石  
顧闕歷滄桑三百年慕君高節愛逃禪已傳繪事冠當代還  
將易數推先天君臣大義委草莽子孫中落無墓田胥塘東  
繞菖蒲浦丙舍荒涼屬誰主桃李春飛寒食煙梧桐秋落重  
陽雨君不見六陵鬼哭蔓草生此地猶存一抔土

少年行

紫駟蹀躞玉鞭垂半醉新豐日暮時生長河湟人不識獨身  
曾得射雕兒

題法螺精舍

絕頂峯開祇樹林翠微俯瞰碧沈沈數聲清磬落山下門外  
日斜春草深

爰丹生

四首

辛籤卷二十八

美

孫真者丹生字形寶一字山夫嘉善人

三岡識畧詩人爰山夫垂老落魄往來吳越間晚寓  
家楓橋愛知於錫山令吳公興祚後以貧死公時開  
府七閩聞之惻然遣人葬之寒山寺側予偶過其居  
題詩壁間云老死寒山古寺東詩人飄泊嘆途窮故  
交萬里收遺骨薄俗猶存挂劍風

乙將軍歌題劉公能所作傳後

乙將軍眞天人烈如南霽雲又如雷萬春冒重圍入孤城出  
孤城部領二百騎出入風雨旋雷霆誰能從之曰張衡將軍  
起列校主將陷陣單騎拔之推主帥上馬短兵接戰身步行  
乙將軍眞天人初隸黃得功後隸史道鄰面中飛矢吃不動  
揚州化作睢陽城將軍戰死舊城下誰能傳之昌黎文

劉體仁七頌堂文集明季潁州李將軍柳挺身入劇  
賊袁時中營招之降賊殺柳忽聞有乙將軍者追破  
其眾於細陽舊城縛二賊將酌酒於李將軍位前跪  
而斬之子於是識乙將軍將軍名邦才字奇山山東  
人初從禁旅為隊長大將黃得功與流賊戰於霍山  
單騎陷水田中賊圍之數重射死所邦才從高射賊  
輒洞胸貫甲相持會暮賊大呼馳之賊散走得功自  
之識其胄曰黃將軍也矢步從得功走時轉射其追  
拔上邦才授馬分箠中矢步從得功走時轉射其追  
騎殺十餘人始及其大軍邦才自是名動軍中邦才  
善治軍器甲必精美卒服敵惡者輒罵之為乞兒務  
使與己等實以耗其財不使有贏鹵獲皆歸有功已  
無所問自兵興邦才常在軍所號為南五營者往來  
豫楚其餘名稱雜沓不可勝紀穎壽六霍破破兵將  
軍解圍陷陣邀擊追奔大小十餘戰功皆冠軍軍或上  
其功或移其功他人者數破敵我一人何能為終不  
輒謝曰此我眾不惜死效破敵我一人何能為終不  
自白形貌僅中人皙顏吻準援背而蜂督善投壺居  
常激矢百變為笑樂愛敬士大夫進退安雅初不知  
其不知書也其休兵壕上也子道過之方獵還為子  
置酒割鮮自彈琵琶侍姬歌秦聲相和歡甚覆琵琶  
於膝注視子日邦才出行間致偏將數論功拜尚方

辛籤卷二十八

七

銀幣賜以太帥薦者曠且滿邦才非其人也所可報  
國家者此身耳顧不見敵但當調曼容弦歌娛心意  
一朝上馬去且判此肝腦矣子心異其言後史公可  
法請願得邦才自隨遂以總兵官駐揚州未幾竟戰  
死

贈鹿野菴主人

達師靜者流神氣周八表寒林無冬春澄湖照昏曉倚杖立

蒼苔長空過飛鳥

倪彤文齋頭喜逢殷嘉生卽事

九龍山鳴別相遇郭西偏詩律看來細狂名老去傳雨晴江

上路櫻筍暮春天共酌尊中酒藜牀一醉眠

秦淮曲

青溪祠畔彩雲停舊院樓臺入杳冥惟有巴童吹北曲夜深

獨自倚牀聽

徐開任

三首

開任字季重崑山人有愚谷詩稿

謝異

明詩綜朱長孺云季重詩原本少陵深情至性激發而出使讀之者留連往復而不能自己

詠史

天啟賦曰吾同輩北行莫負

吾愛張處虛卓犖有深見時危不應辟誰知非獨善帶索說  
張温掉舌如流電宦豎得早除甯召羌戎變一人計不行遂  
使羣雄戰誤國有餘辜殺身何足怨

陸賈善因時神閒識亦慎樂生似韜光獻策非謀進誅呂不  
居功安劉無後疊置身將相問安危可靜鎮天下有心人社  
稷彈指定堪笑樓君卿侯鯖徒自潤

辛籤卷二十八

美

送仲兄司理邵陵

麥秋四月南風起送兄迢迢渡濱水此地新經烽火來萬井  
蕭條生荆杞憶昔邵陵全盛時桐封愛子萬年枝宮中爭唱  
銅鞮曲陌上時吟佑客詞一朝物換人亦改珉王宮闕無復  
在北渚新愁落照中蒼梧舊恨秋雲外執手相看杯酒前離  
魂常傍洞庭船驚猿帶雨嗁寒夜征馬追風踏暮天丈夫不  
灑離別淚天涯知己若同氣此行莫負桃源心洞中雉犬與  
時異

張彥之

二首

重崑山人言愚谷詩稿

彥之一名翬字洮侯松江華亭人

明詩綜

朱明詒云洮侯為人寬博無同異其詩莽蒼不事繩尺質本景純而臻於嗣宗

今世說彥之卓犖知大節深沈好書詩歌與董黃齊  
名尤喜自負使酒善侵人然實無他腸人以其原之  
詩觀南京兵尙閱操衣而鶴縵袍挑侯詩云金甲銀  
鞍戰士豪六軍承詔著功高而今攻守江南靜百鶴  
空思賜戰袍百官燈白祭酒燈紫挑侯詩云御柳低  
垂曉色開天墉香繞蒼苔陪京國學當年事紫色  
縵稱祭酒來二詩足備故實

### 寄錢開少滇南

洞明感晉亡幼安憫漢促自古無全人安能致明淑一身情  
行餘萬里行不足衡山窮荆陰零陵踐南服巖壑鬱嶸崎山  
川縈重復詞賦非務聞棲遲同豎牧人事悲沈淪天道長倚  
伏千秋竟何人曷以守幽獨

### 送林武宣遊豫州

九月微霜欲渡河送君千里奈愁何華林秋落遊人遠少室  
辛籤卷二十八

堯

風高木葉多樽酒自憐江外別菊花仍是客中過懸知白雪  
梁園在此日平臺好放歌

### 吳懋謙十三首

懋謙字六益松江華亭人別號華萃山人有苾菴集

汪琬說鈴吳懋謙訪余邸舍每破酒自誦其所作遊  
五岳詩音響琅琅若出金石覺爾時意致適上不可  
復及

三岡識畧華萃山人喜吟咏遊潛紳間詩名甚著  
年屆古稀纔喪妾復買一姬膏面染髻以博如皋一  
笑子戲贈一詩云騷人春晚愛幽居老去風情尙未  
除舊賦白頭憐薄倖新題紅葉怕生疏爐薰翠被迎  
歡夜警擁寒燈見而初莫倚巫山行雨慣襄王今足  
病相如

明詩綜魏楚自云六益五言未盡本於建安而筋力  
出諸作者之上  
田按六益才情爛漫讀其詩有蕭瑟瀾成之感

### 烏棲曲

沙棠爲楫桂爲舟采菱唱罷吹篴篥送歡板橋望江路風波  
無情郎莫渡

聞舟中吹笛

空江微微月東出何人舟中吹鐵笛傳呼隔水不知名寂寞  
滄江洄夜色吳音越調聲悽愴遠遊客子思故鄉燕子梨花  
春已暮欲歸不歸空斷腸

長至旅懷寄龔芝麓先生

冉冉歲將晏百卉腓以殘段灰動晨夕蒼霧浩漫漫白日東  
高阜玄陰翳層巒流睇睇鮮故物遊囑盛憂嘆小人備鄙志烈  
士存苦顏堂上展琴瑟哀激已無端

長安咏懷

辛籤卷二十八

罕

驅馬過燕市春陰黯不開沙昏北平壘日下黃金臺地勢臨  
關澗山形入殿來傳聞昔年事惆悵有餘哀

仲冬同慈谿王白民儲滯送周計百司李之南昌

惜別此酒醅相逢又幾時一江木葉下萬嶺夕陽遲野店維  
官筋村巫走廢祠不堪重回首霜露正凄其

南康道中

連山崢嶸齊萬里過江西索米勞妻子擔簦聽鼓鼙江黃龍  
母渡風黑虎偃嘯辛苦南康道蕭蕭倚杖藜

嶺南

辭家便典鷓鴣裘司馬妻其已倦遊路指番禺蠻雨夕帆迴  
滇水瘴煙秋降王舊築蓮花寨洞女新開椰酒樓此日孤身

憑眺望短歌清笛不勝愁

馬 崑山懷二陸

斷碣荒苔鬼夜號蕭蕭木落下亭皋三吳曉日聞秋雁萬里  
長江送暮濤祠廟衣冠衰草合山城笳鼓朔風高登臨莫問  
當年事寂寞書臺空野蒿

春日雜感

吳子栖遲大海濱東風落日自逡巡陶潛漉酒元無伴王粲  
登樓或有人老去江湖生白髮愁來天地失青春東南十載  
空遺恨夜夜憑高望北辰

吳閶夏感

霓霍夏雨滯吳城深夜猶聞鼓角聲薊北頻年還重飲淮南  
望

辛籤卷二十八

望

今日又徵兵千門涕泗瘡痍盡萬國關山太白明莫上靈巖  
更西望溪雲江樹不勝情

戊戌春日有感

三月春殘御柳斜高城雪盡隱悲笳黃旗南苑馳征騎曉漏  
西清待翠華寢殿棠梨飛野蝶漢陵風雨泣棲鴉可憐一片  
昆池水依舊東風泛落花

暮春咏懷

小築茅齋蘆荻邊萬方風雨哭春天東吳杼軸空三戶南粵  
烽煙已三年張儉無家貧尚在虞卿多難病誰憐依人終信  
謀生拙短鬢江湖夕照前

春閨

玉釵寂寞暗生塵細草微香壓錦茵燕子尙啣花片舞隣君  
何事不知春

徐崧 五首

崧字松之吳江人

宿楓江法華禪院

萍蹤原不定夙昔聽清緣庵水知平日楓江別幾年客船驚  
犬吠市鼓報魚鮮夢醒寒衾短披衣坐曉天

寶林寺

金閨多擾擾至此定心清一寺石橋過兩涯春水生白雲天  
倒映北斗夜空明自有神魚化應將法雨行

仲春六日客寶林李灌溪侍御惠我酒資

辛籤卷二十八

望

憶昔頻招隱漁樵得並遊人間無白社舍北有丹邱鶴下迎  
仙館花開禮佛樓猶龍身正健我道見風流

金同朱望子過福濟觀贈姚玉緯鍊師到春水坐白雲天

友鶴餐霞玄思通碧桃花鳴有神宮笙吹斗閣三天上藥搗  
丹臺四月中雲水誰如王省幹塵埃難辨呂仙翁看君好客  
嫺風雅竹杖紗巾自不同

過包朗威孝廉靈巖山居

卜得幽居傍硯山晚年學佛世情刪茗談不異精藍靜梵課  
仍如老衲閒松葉陰中雲冉冉杏花風裏澗潺潺自從絕上  
公車意一過江城卽便還

李焯 六首

李焯六首

煒字赤茂嘉善人有物外軒稿

詩觀二集格齋詩高視闊步有太原公子氣概仙裳稱五古在阮陶之間洵不誣也

雜興

我愛漢陰叟棄機灌園蔬我愛河上公緯蕭銀明珠優悠可  
卒歲取足不求餘圍圍泰山雲觸石合卷舒猗猗蘭蕙花因  
時成榮枯養志百年內身名同晏如

曰余不師訓少小好奇計結交湖海賓抵掌天下事愁如縻  
縑鷹矯若悲踠驥外強而中乾道不足御氣懷思古至人神  
明獨無累彈琴蓬戶中淪然發高視龍蛇守道真毀譽棄若  
屣甯能人世間懷憂獨長喟

北渚何渺渺秋風生洞庭夫君來夷猶芙蓉愁殺人寄顏雲

辛籤卷二十八

望

霄間揮袂當層城曠矣恩不接懷哉時載陰臨川望河鮪緬  
邈若飛沈登高遡歸雁反對豺狼吟同衾戀膠漆遠道怨商  
參側身隴坂長離懷誰能任  
烈如齊聶政怒若燕荆卿我無雲雨資小勇安足矜老子執  
謙退清淨垂鴻名莊周處不材後世稱蓬生灰心滅恩怨劍  
術同飛塵

有所思

賤妾依吳地夫君滯楚湘荆蠻雲樹遠彭蠡雁鴻長別怨生  
瑤瑟相思滿玉床當年阿母畔空學繡鴛鴦

贈墨菴

問君何感慨削迹竟曇摩舊事觀空盡餘情埋照多長卿工

慢世楊惲善悲歌突兀疏任意空憐日月過

錢光繡 二首

光繡字聖月鄞人有歸來閣集

巖臺寺

抱膝巖前坐嶺岈勢欲崩泉飛天半雪門掩隔溪藤鶴洞迷  
丹竈仙墳罷漆燈寄聲劉子驥孤棹興堪乘

田家

一株紅樹恰當門古澗橋欹斷水痕日暮牛羊收拾早昨宵

虎迹大於盆

錢謙貞 五首

謙貞字履之常熟人

辛籤卷二十八

四

列朝詩集履之生而詔令有雋才起於孤童能自鏃  
彌讀書求志闢懷古堂以奉母簾戶觀深書籤錯列  
所與游惟魏冲叔子馮舒已蒼相與論詩度曲移日  
承夕下鍵謝客意泊如也中歲攻詩不屑應酬俗調  
友人程孟陽精於論詩少所許可獨稱履之之詩以  
為鮮妍和雅妙得近體之法  
懷舊集履之清姿玉立好讀書工書法詩歌兩曲皆  
不學而能與人交似落落久而不衰彌見其篤  
田披履之牧齋從弟其歲暮雜詩云句偶類浣花體  
或疑長慶自然近中晚非敢薄初盛可謂善於自道  
矣

雪晴小飲北山茅三間卽事

雪壓雲蒼晝獨眠偶憑雙屐試晴天窮檐曉日懸冰柱野服

春寒著水田賊是穀非從道耳獨賢清聖且隨緣報慈橋畔

何人墓宿草凄凄起夕煙

過亡友陸九來墓

懷古堂夏日漫興

三間五架草堂新數卷圖書一病身靜似放參居士室閒如  
堊戶輟耕民浣花杜叟曾題字垂柳陶家舊卜鄰不爲薄今  
偏愛古南村已少素人心

舟過梅李弔族祖心閑翁墓

輕舟漫趁落潮東爲弔孤墳半畝中荒草斷邊人種麥浮圖  
高處鳥呼風生多寄迹眠僧院死合招魂傍梵宮一束生芻  
一杯酒幾人曾酌若敖翁

莊樂與余數年同病久失過從風雨中忽拏舟見訪因

宿兒子書樓夜話追昔撫今悵然有作

杖策招尋久未能扁舟忽有興堪乘參商一別看兒女風雨  
來過見友朋算老漸如將去客論心同是在家僧南巷若遂

辛籤卷二十八

望

比鄰約瓢納連床夜夜燈

歲暮書齋卽事次夕公韻

罨栗風高北榭關卷中丘壑畫中山衰顏向日薰如醉弱足  
凌寒凍欲頑翻覆炎涼隨歲改凋零花木逐年刪黃麻紫誥  
非吾志十賚新同處士頒

東陸商二首

陸商字雲雛華陰人

舉人

新嫁孀

十五爲新婦梳頭學冶粧畫眉猶未慣不敢輒呼郎

閒居述懷

狂夫家在麗農山俯視三峯似小鬢只爲高吟驚帝座孤蹤

遠謫在人間

姜廷梧 二首

廷梧字桐音紹興山陰人有芳樹齋詩草

今世說桐音行文不起草口所誦卽成句論者謂其詩類何景明

渡江

句踐吞吳日斯江卽戰場泛舟秋水濶繞岸海雲長浪靜鯨鯢沒天高鶴鶴翔至今沙草渡有客弔夷光

少年行

金鞍蹀躞紫駟驕火浣裁衣窄過腰白日城頭秋草盡彎弓原上射飛鵞

陸繁昭 二首

辛籤卷二十八

吳

繁昭字儂胡一字拒石錢塘人

今世說陸麗京云西陵儂語家有靈蛇若儂胡秀如春采仲昭絢若朝霞故當並推

過包氏山莊聞簫

樹杪懸飛閣雲深結小亭秋花入夜白曉月到山青人影飄羅帶簫聲隔畫屏不知樓上女度曲與誰聽

南屏

上人蒙難後而我亦餘生不爲浮名誤焉知出世情晴嵐開曉色寒鳥變春聲若許陶潛醉相隨入化城

王啟茂 四首

啟茂字天庚石首人貢生有渚宮集

湖北詩徵傳略天根崇禎末以明經薦不就凡啟京啟遵弟啟崇啟芬皆有才名人稱五鳳天庚性獨淡

素工詩詞避兵湖南山中年七十卒  
陳伯幾詩慰續集石首王天庾門有車馬客見余多  
怒嗔非爲禮數簡亦知肝膽真祇慙餽少未能療  
客貧余貧客所見徒免甌中塵結交二十載輿嚮奉  
嘉賓西鄰豈不富叩戶何曾響願客早富貴爲余作  
主人輕財若埃沫致賄如邱陵門下三千客各賜如  
黃金人人無惡聲薄俗庶乃敦詩有古意然未免干  
翟公署門識者或議其淺也世間殘客亦正不可少

### 送道人入山採藥

去去雲山遠餐霞不裹糧荷鋤千嶂曉洗藥一溪香夜月閒  
丹竈春風暖藥房何時還市肆吾已識韓康

### 過袁中郎捲雪樓感舊

庾信羅含宅尙垂小樓回首更凄其澄江曾入驚人句華屋  
堪增過客悲千載後知聞笛處十年前記倚闌時文章不盡  
風流盡盼盼於今屬阿誰

### 辛籤卷二十八

罷

同王子荆民部曹樞之叔方謁張文忠純忠堂同賦

袍笏巍然故宅殘入門人自肅衣冠半生憂國眉猶瑣一詔  
旌忠骨已寒恩怨盡時方論定邊疆危日見才難眼前國事  
君知否拜起還疑拭目看

考田詩話張江陵救時之相功過原不相掩恩怨盡  
時方論定邊疆危日見才難二語竹垞稱爲詩史不  
知乃王啟茂謁文忠公祠句也

### 舟中卽事

武陵溪水碧如天幽興狂來自扣舷海岳橐裝無俗物元真  
奴婢有仙緣深防好事傳爲畫定被凡人喚作顛把臂便應  
從此遠只今南北甚烽煙

### 鄭階四首

山字晉之吳人有慎獨居詩存

湖山靈秀集晉之嗜酒耽吟齋中常設一木土題杜拾遺名或得醅膠佳茗必先以奠焉其癖於詩可知

毛公壇

包山路茫茫委蛇履艱澀鳩窮絕人語計里將二十雞犬隱  
桃花松蘿透原隰巖雲白襍襍谷風清習習振衣躡危磴見  
石先拜揖仙遊二千載寂寞壇猶立苔蘚漢時青碑題唐世  
緝傳聞紺毛叟養真羅浮岌木食龍虎馴道尊山鬼泣宇宙  
元一粟往來待呼吸夜靜湖月高鶴馭常來集攀竹仰清風  
曠哉天如笠

醉步南村過允謙復酌

南垞多逸地獨往聽秋聲行野杖橫把出村船倒撐碧雲寒

辛籤卷二十八

吳

弄影紅樹晚含情恰有幽人過重沽爲解醒

韶光庵

下方擾攘上方幽磴道縈紆古木稠削竹引泉分入寺鑿雲  
開徑就登樓青蔬白飯僧緣好蒼鬢紅塵客夢休徙倚北高  
峰畔立浙江如練抱湖流

湖上

點點春山小片片春帆渡帆去忽天涯青山自朝暮

陸嘉淑二首

嘉淑字冰修海甯人有辛齋遺稿

靜志居詩話冰修崇情遠迹高酬長謠晚雖藏身人海而青蓮在泥心終不染

阮元兩浙輶軒錄查編修慎行冰修壻也少從學詩得其指授

宋桑曲

江南三月青陽天桃花匝市楊花顛流鶯自語玄鳥斜陌上  
誰家雙鬢鴉繡箔柔筐臨碧屺百帖春蠶眠不起素腕迢迢  
倚夕陽清曠的的回秋水別有梅花洞房妾永日盈盈淚凝  
睫織成錦字寄別離結成同心鎖寄篋偶向城隅恨自滋長  
憐春暮心尤怯使君五馬莫踟蹰兒家夫婿關西俠

蕪城感舊

花影鶯聲句偶傳無端真得玉人憐劉郎前度身猶在杜牧  
三生事惘然銀燭夜闌分險韻畫欄春半響么絃玉鉤斜外  
傷魂處落盡桃花叫杜鵑

陳祚明 三首

辛籤卷二十八

兗

祚明字胤倩仁和人稽留山人集

北征

百年多攘攘跋涉意何如京口歸潮大丹陽落日孤轉漕千  
舸擁過關萬人呼泛水扁舟影蕭條短髮疏

香山

夾道青峯似畫中先朝列帝敞行宮鶯花仍度三春日松柏  
長吟萬壑風錦石親承鑾輅轉玄狻猶說翠華東小軒御勝  
留宸翰行客徒悲古木空

燕市

長安古狹邪道隘不容車溝水春泥擁愁君白鼻騮

黎祖功 二首





光緒二十九年  
正月

丁死於次  
生